

হার

[ নীতিপূর্ণ গল্পগুচ্ছ ]



শ্রীহরিপদ চট্টোপাধ্যায়



কলিকাতা,

৬৬ নং কলেজ স্ট্রীট,

ভট্টাচার্য সনস্ক্রের

পুস্তকালয় হতে

শ্রীদেবেন্দ্রনাথ ভট্টাচার্য

প্রকাশিত ।

১৩১৪



মূল্য ৫০ বার আনা ।

---

## কলিকাতা

৮১ নং কলেজ ষ্ট্রীট, "পশুপতি প্রেসে"  
শ্রীঅবিনাশচন্দ্র বসু দ্বারা মুদ্রিত।

---

# স্মৃতি

পরমারাধ্য স্বর্গীয় দেবতা

৩ প্রেমচাঁদ চট্টোপাধ্যায়ের

পবিত্র শ্রীচরণান্বজেষু—

পিতৃদেব!

“হার” আপনারই শ্রীমুখপ্রসূতপ্রসূন-  
গ্রথিত। পিতৃপ্রদত্ত রত্ন পুত্রের অহঙ্কারের  
বস্তু। বিশেষতঃ, এই হার অতি মূল্য-  
বান্। কারণ, ইহাতে স্বর্ণকারের শিল্প-  
চাতুর্য না থাকিলেও ইহার উপাদান  
হীরাজহরত। ইহা কোন স্থানে কাহা-  
কেও দিয়া তৃপ্তিলাভ করিতে পারিলাম  
না। তাই আপনার শ্রীপাদপদ্মে স্থাপন  
করিলাম।

১৩১৪

কল্যাণপুর

সেবক

গ্রন্থকার



# ভূমিকা

শ্রীযুক্ত হরিপদ চট্টোপাধ্যায় মহাশয় তাঁহার “হার” নামক পুস্তকের একটি ভূমিকা লিখিতে আমাকে অনুরোধ করিয়াছেন। পুস্তকখানি আঁতুপ পড়িয়া আমি আহ্লাদ সহকারে এই অনুরোধ পালন করিতে সন্মত হইয়াছি।

পুস্তকখানি পড়িয়া আমি বিশেষ আনন্দলাভ করিয়াছি। অনেক স্থলে রচনা এরূপ করুণ-রসাত্মক যে, আমি পাঠকালে অশ্রু সংবরণ করিতে পারি নাই। পুস্তকখানির প্রধান গুণ এই যে, ইহাতে এতদেশের প্রাচীন কথা খাঁটি দেশীভাবে কথিত হইয়াছে। রচনার বিদেশীভাব আদৌ স্থান পায় নাই। ইংরেজী নাটক ও উপন্যাসের দ্বারা বাঙ্গালীর রুচি পরিবর্তিত হইবার পূর্বে আমাদের দেশে

নানাপ্রকার আখ্যান প্রচলিত ছিল ; সেই সকল আখ্যান ধর্মমূলক ছিল,—তাহাতে প্রেম ও যুদ্ধাদির বিষয় অবতারণিত হইত,— কিন্তু তথাপি এখনকার উপন্যাস হইতে সেই সকল আখ্যান স্বতন্ত্র । সুন্দরী রমণীর ললাটে সিঁদুরের ফোঁটা না থাকিলে যেরূপ দেখায়, এখনকার প্রতিভাবান্ লেখকদের রচিত সুন্দর আখ্যানগুলিও অনেক সময় ধর্মভাব বর্জিত হইয়া সেইরূপ বিসদৃশ বলিয়া মনে হয় । দেশী ও বিদেশী চিত্রাকর্মে এই প্রভেদ ।

এই সকল আখ্যান অমার্জিত । আধুনিক লিপি-শিল্পীর কৌশল ইহাতে আদৌ নাই । অতি সরল, প্রায় পিতামহীর মুখোচ্চারিত শৃঙ্খলাবিহীন, একঘেয়ে বর্ণনার মত গল্পগুলি একান্তরূপে সাজসজ্জা বর্জিত, কিন্তু তথাপি ইহাদের মধ্যে যে সরসতা ও পবিত্রতার চন্দন-দীপ্তি দৃষ্ট হয়,

তাহা গল্পের সমস্ত অপূর্ণতা ও ক্রটি এক-  
কোণে ফেলিয়া কোন মহৎ আদর্শকে  
উজ্জ্বল করিয়া দেখাইতেছে।

এ দেশের লোক ভগবৎ-ভক্ত,—এই  
ভক্তি ও বিশ্বাসের সীমা নাই ; সাংসারিক  
দুর্গতির শেষসীমায় উপস্থিত হইয়াও  
ভক্তিমান্ অটল, তাঁহার বিশ্বাস কিছুতেই  
বিচলিত হইবার নহে। “হরি মঙ্গলময়”  
আখ্যানে সেই প্রাচীন বিশ্বাসের আদর্শ  
পূর্ণভাবে আমাদের চক্ষে প্রতিভাত হয়।  
ভক্তি ও বিশ্বাসের প্রথরতায় এই গল্পের  
যাহা কিছু অস্বাভাবিকত্ব, সে সমস্তই পাঠ-  
কের চক্ষুর সম্মুখ হইতে দূর হইয়া যায়,—  
কেবল ধর্মের উন্নত দৃশ্য মানসপটে উজ্জ্বল-  
ভাবে অঙ্কিত থাকে। প্রত্যেক গল্পে শিথি-  
বার কিছু না কিছু আছে, এবং উহা  
প্রাচীনভাবের সঙ্গে আমাদের পরিচয়  
ঘনিষ্ঠতর করিয়া দেয়।

যাঁহারা ধর্মকে কোন নির্দিষ্ট গণ্ডীর মধ্যে আবদ্ধ রাখিয়া গার্হস্থ্যজীবন পরিচালনা করেন, তাঁহারা আমাদের দেশের এই ভাব বুঝিবেন না,—এদেশের ধর্ম-ভাব প্রণাস্তসাগরের তরঙ্গ, তাহা কোন বাধা মানে না, তাহার কূলকিনারা নাই ; দান করিতে হইবে,—নিজের শরীর কাটিয়া রাজা পক্ষীর ক্ষুন্নিবৃত্তি করিতেছেন ; নিজের পুত্রের স্বহস্তে শিরশ্ছেদন করিয়া, রাজা অতিথির আহারের ব্যবস্থা করিতেছেন । যাঁহারা ভগবানকে চান না, তাঁহারা এই বিশ্বাসের আতিশয্য মূঢ়তার লক্ষণ বলিয়া সিদ্ধান্ত করিবেন, কিন্তু যাঁহারা ভগবানকে চান, তাঁহাদের ইহাই একমাত্র পন্থা,—এই ধর্মের উচ্চ আদর্শ এক সময় দেশের শিশুরা পর্য্যন্ত গুনিয়া বুঝিত । ইহার উচ্চতা হিমাদ্রির উচ্চশৃঙ্গের ন্যায় অবিখ্যাসীর চক্রে চিরতুষারে আচ্ছাদিত ।



যাঁহারা হিমাঙ্গিষ্ণের অধিবাসী, তাঁহারা পরকীয় শিকার কুহকে পড়িয়া এই আদর্শ ভুলিয়া যাইতেছেন, ইহাই অনুতাপের বিষয় ।

হার ছোট গল্পের সমষ্টি হইলেও, প্রাচীন আদর্শে রচিত হওয়াতে আমার নিকট ভাল লাগিয়াছে । গ্রন্থকার একজন সুপরিচিত গীতাভিনয় লেখক । প্রাচীন যাত্রাগুলিকে আমরা উপহাস করিয়া থাকি, কিন্তু যাত্রার পালালেখক যে করুণরস ও ভক্তির ভাবে অনুপ্রাণিত— তাহা এই বহীখানি পড়িলে পাঠক হৃদয়ঙ্গম করিতে পারিবেন, অন্ততঃ বিদ্রূপ করিবার প্রবৃত্তি তাঁহাকে ত্যাগ করিতে হইবে ।

১৩ই অগ্রহায়ণ.

১৩১৪

শ্রীদীনেশচন্দ্র সেন  
১২নং কাঁটাপুকুর লেন,  
বাগবাজার, কলিকাতা ।



~~অভিযান-মাষ্টার~~  
 শ্রী হরিপদ চট্টোপাধ্যায় ~~অণ্ড~~

হার	( নীতিপূর্ণ গল্পগুচ্ছ )	১০
অলোকচতুরা	( গার্হস্থ্য উপন্যাস )	৫০
সত্যনারায়ণ	( ব্রতকথা )	৭০
তালপত্রের চণ্ডী	( পুঁথি )	৫০
পাঁচোয়ার সিং	( নক্সা )	৭০
আদর্শপত্র-দলিল		১০
চালতার অঞ্চল	( ১নং খোসগল্প )	১০
খাসা দই	( ২নং খোসগল্প )	১০
পদ্মিনী	( মথুরসাহার যাত্রার অভিনীত )	১০
ঐ	( সুন্দর বাঁধান )	১১০
শুকদেব-চরিত	•	১০
ভৃগু-চরিত	•	১১০
প্রহ্লাদ-চরিত	•	১০
কাম্বোজ রাজার হরিবাসন	•	১০
ছর্গাসুর	•	১০
ঐ	( সুন্দর বাঁধান )	১১০

( অভয়দাসের যাত্রায় অভিনীত )

শ্রীবীর-পতন বা জনা	১০
হাতাকর্ণ	১০
কালকেতু	১০

( গিরিশ চাটুর্ঘ্যের যাত্রায় অভিনীত )

কালাপাহাড়	১০
------------	----

( রামলাল চাটুর্ঘ্যের যাত্রায় অভিনীত )

লবণ-সংহার	১১
ঐ ( সুন্দর বাঁধান )	১০
মহীরাবণ	১০
ষট্‌বংশ ধ্বংস	১০
ঐ ( সুন্দর বাঁধান )	১১

শ্রীদেবেন্দ্রনাথ ভট্টাচার্য্য প্রণীত

নরমেধ-যজ্ঞ	১০
শুক-দক্ষিণা	১১
বাহবা-ছজুগ ( প্রহসন )	১০

ভট্টাচার্য্য এণ্ড সন্স

৩৫ নং কলেজ স্ট্রীট, কলিকাতা ।

# হারা



## হরি মঙ্গলময় ।

পূর্বকালে হিমাচলের পাদমূলে চক্রধর-  
পুরনামক প্রদেশে নরপতি ভুবনেশ্বর  
রাজত্ব করিতেন । তিনি সত্যবাদী, আত্ম-  
ত্যাগী এবং পরম ধার্মিক ছিলেন । “হরি  
মঙ্গলময়, তাঁর ইচ্ছার জীবের মঙ্গল হয়,”  
এই মহাসত্যবাক্য তাঁহার জীবনের  
মূলমন্ত্র ছিল । তাঁহার সুখ-শান্তিময়  
এবং সমৃদ্ধিশালী রাজ্যের প্রজারা কখনও  
কোন প্রকার দুঃখ-তাপের যন্ত্রণা জানিত  
না । রাজা কখনও কোন প্রার্থীর প্রার্থনা  
অপূর্ণ রাখিতেন না । তিনি যে কোন  
অবস্থায় পতিত হইয়া, যে কোন কর্ম

করিয়া, সর্বাঙ্গকরণে মুক্তকণ্ঠে বলিতেন,  
“হরি মঙ্গলময় ।”

একদা অমাত্যবর্গপরিবেষ্টিত হইয়া, রাজা ভুবনেশ্বর রাজসিংহাসনে উপবিষ্ট আছেন. এমন সময় জটাকুটধারী ত্রিশূল-হস্ত দীপিচর্মপরিহিত একজন সন্ন্যাসী তাঁহার জয়োচ্চারণ করিয়া, সিংহাসনের সম্মুখীন হইলেন । রাজা সন্ন্যাসীকে যথা-বিহিত প্রণাম ও অভ্যর্থনাদি করিয়া, উপযুক্ত আসনে উপবেশন করাইলেন এবং তাঁহাকে রাজসভায় আগমনের উদ্দেশ্য জিজ্ঞাসা করিলেন ।

সন্ন্যাসী ধীরভাবে বলিলেন, “মহারাজ ! আমি আশৈশব সংসারত্যাগী সন্ন্যাসাশ্রমী । ভিক্ষালব্ধ অন্ন উদর পূর্তি করি । সম্প্রতি এক মহাপুরুষের নিকট উপদেশ পাইয়াছি যে, গার্হস্থ্যাশ্রমে ধর্মপরীক্ষা না করিলে, অন্য কোন আশ্রমে ধর্মের সার-

বহা লাভ করা যায় না। যে গৃহাশ্রমে সর্ববিধ ভোগ-বিলাসের আশাতীত উপকরণ পাওয়া যায়, তাহা আমার পাইবার সম্ভাবনা নাই। অনেকানেক স্থানে সন্ধান করিয়া, সফলমনোরথ হই নাই। অধুনা বহুদূর হইতে লোকমুখে আপনার গুণগ্রামের কীর্তন শুনিয়া, অথু আপনারই নিকটে উপস্থিত হইয়াছি। আপনি পরম অতিথি-সেবক,—ভারত-বিখ্যাত দাতা। আমার আশা পূর্ণ করুন। আমি তিনদিবস আপনার রাজৈর্য্যধনসম্পদ ভোগ করিতে ইচ্ছা করি। গার্হস্থ্যস্থ পূর্ণমাত্রা উপভোগ করিয়া, তাহার সার-তত্ত্বজ্ঞান লাভ করিতে ইচ্ছা করি। মহারাজ ! ভিক্ষুক-সন্ন্যাসীকে এই মহাভিক্ষা দান করুন।”

পরম ত্যাগপরায়ণ, রাজকুলচক্রবর্তী ভুবনেশ্বর, আগন্তুক সন্ন্যাসীর প্রার্থনা

শুনিয়া কিছুমাত্র বিবেচনা করিলেন না ।  
সানন্দে তাহা অনুমোদন করিলেন এবং  
মন্ত্রীকে আহ্বান করিয়া বলিলেন ;—

“মন্ত্রিন্ ! এই আগন্তুক অতিথি-সন্ন্যাসী  
তিনদিনের জন্ত আমার রাজ্যের রাজা  
হইলেন । ইহার আশ্রয় রাজাদেশের  
শ্রায় পালন করিবে । এমন কি, সন্ন্যাসীর  
আদেশে আমার জীবন-সংশয় ঘটিলেও  
তৎপালনে কুণ্ঠিত হইবে না ।”

ধর্মশীল ভুবনেশ্বর অন্ত্যান্ত রাজপারিষদ-  
গণকেও এইরূপ বলিয়া কহিয়া, তিন  
দিনের জন্ত অন্তঃপুরমধ্যে প্রবেশ করি-  
লেন । গুণবতী সতীসাধ্বী মহিষী সুমতি,  
স্বীয় স্বামীর প্রমুখাৎ সকল কাহিনী শুনিয়া,  
আপনাকে মহিমান্বিতা জ্ঞান করিতে  
লাগিলেন: এবং আনন্দে তাঁহার চক্ষে দর  
দর ধারায় জল পড়িতে লাগিল । তখন যে  
সুমতির সেই আনন্দাশ্রু, বসুমতী ভেদ



করিয়া, পাতালে নিশ্চলজলা ভোগবতীর সহিত মিশিয়া ছিল না, কে ইহা না বলিবে ? রাজা তিন দিন সংযত হইয়া অন্তঃপুরে রহিলেন ।

দেখিতে দেখিতে তিন দিন কাটয়া গেল । সন্ন্যাসীরও রাজ-সম্পদসুখরূপ-মাধুর্য্যময় স্বপ্নের চিত্র চকিতে যেন কোথায় লুকায়িত হইল । কিন্তু তাহা তিনি তত বুঝিতে পারিলেন না । তখনও তিনি সুথের দোলায় তুলিতেছিলেন । পরে যখন মহারাজ ভুবনেশ্বর, তাঁহার নিকট উপস্থিত হইয়া, সাষ্টাঙ্গে প্রণামপূর্ব্বক বিনয়-মধুর বচনে বলিলেন ;—

“হে মহাত্মন ! তিনদিন রাজ্যসুখভোগে আপনার আশা পূর্ণ হইয়াছে ত ?

তখন তাঁহার চমক ভাঙ্গিল ।

সন্ন্যাসী প্রথমতঃ কি বলিবেন, কিছুই স্থির করিতে পারিলেন না । কিয়ং

কাল নীরব থাকিয়া, শেষে এই বলি-  
লেন ;—

“মহারাজ ! আশা বৈতরণী । ইহার কুল-  
কিনারা নাই । এক আশা পূর্ণ হইয়াছে,  
কিন্তু আর এক আশা রাবণের চিতার  
শ্রায় হৃদয়-ক্ষেত্রে হু হু জ্বলিতেছে । বোধ  
হয়, তাহা দুঃরাশা । নতুবা এত যন্ত্রণা-  
দায়িনী হইবে কেন ? বলিতে ইচ্ছা  
হইতেছে, কিন্তু আবার কণ্ঠ রুদ্ধ হইয়া  
আসিতেছে ।

সন্ন্যাসী এই বলিয়া, আপনার মুখ-  
খানিতে বেশ একখানি বিষাদের চিত্র  
দেখাইলেন । সে চিত্র দেখিলে, কুটীলা-  
আরও হৃদয় গলিয়া যায় ; মহাত্মার ত  
কথাই নাই । সরল-স্বভাব, ভগবানে  
আত্মসমর্পণকারী রাজা ভুবনেশ্বরের হৃদয়  
গলিয়া গেল । হাশ্বোৎফুল্ল প্রভাতপদ্মবৎ  
সন্ন্যাসীর নির্মল বদনখানি বিষাদমলিন

দেখিয়া, রাজা নিতান্ত অস্থির হইয়া উঠিলেন। সন্ন্যাসীর মনোভিলাষ কি জানিবার জন্ত, সন্ন্যাসীকে বিশেষ অনুরোধ করিতে লাগিলেন। অনেক অনুরোধের পর সন্ন্যাসী বলিলেন ;—

“মহারাজ ! এই রাজ্যটি আমাকে আপনি চিরদিনের জন্ত দান করুন, এই আমার একান্ত আশা।”

সন্ন্যাসীর প্রার্থনা শুনিয়া, সভাস্থ সকল ব্যক্তিই একেবারে শিহরিয়া উঠিল। পরস্পর পরস্পরের মুখ দেখিতে লাগিল। কিন্তু রাজার মুখের প্রতি সকলেরই প্রধান লক্ষ্য রহিল। সভা নিস্তব্ধ,—বায়ু নিশ্চল। শ্বাসপতনেরও যেন কোন শব্দ নাই। কিন্তু এ নিস্তব্ধতা কণমুহূর্ত্ত স্থায়ী হইল না। সন্ন্যাসীর প্রার্থনাবাক্যাবসান হইতে না হইতেই, রাজা “অহো ভাগ্য-মহোভাগ্য!” বলিয়া উচ্চকণ্ঠে বলিলেন ;—

“মঙ্গলময় হরি ! তোমার ইচ্ছাই পূর্ণ হউক । মহাত্মন ! আপনার প্রার্থনাই পূর্ণ হইল । আমি অগ্ৰ হইতে এ রাজ্যের আর কেহই নই । সহধর্মিণী আর দুইটা পুত্র বাতীত এ রাজ্যের সহিত আর আমার কোন সম্পর্ক রহিল না । অগ্ৰ হইতে আপনি এই রাজ্যের রাজ্যেশ্বর । এক্ষণে অনুমতি করুন, একবারমাত্র অন্তঃপুরমধ্যে গমন করিয়া, পত্নী-পুত্র-শুণিকে লইয়া স্থানান্তরে গমনের উদ্যোগ করি ।”

সন্ন্যাসী হর্ষোৎফুল্লমুখে অনুমতি দিলেন । রাজপারিষদগণ প্রতিবাদ করিতে উদ্যত হইলে, রাজা মুখের ভাবে তাহাদিগকে নিরস্ত করিলেন । সকলেই নির্বাক ! আর কোন কথা কহিবার কাহারও শক্তি রহিল না । সেই শক্তিই যেন অশ্রু-প্রবাহিনীরূপে সকলেরই চক্ষে অপ্রতিহত-

ধারায় বহিতে লাগিল। মহারাজ ধর্ম-প্রাণ ভুবনেখর, তাহাতে আর বাধা দিতে পারিলেন না। রাজা দ্রুতপদে অন্তঃপুরাভিমুখে চলিলেন। অসময়ে সহসা অন্তঃপুরে রাজার আগমন দেখিয়া, রাজ্ঞী সুমতি শিহরিয়া উঠিলেন। পরে স্বামীর মুখে রাজাদানের কথা শুনিয়া তিনিও পরমানন্দ অনুভবপূর্বক পুত্র দুইটিকে আহ্বান করিয়া, রাজার অনুগামিনী হইলেন।

সে দৃশ্য বর্ণনাতীত। কাঞ্চন-প্রতিমা—পটুবসনপরিহিতা—সালঙ্কারা দেবী সুমতি, তগ্নুহর্তে কেবলমাত্র লজ্জানিবারণ বস্ত্র ও আয়তিচিহ্ন ধারণ করিয়া, সকলই তাগ করিলেন। রাজা কাষায় বসন পরিধান করিলেন। মাণিক্যের পুতুল পুত্র দুইটির দেহের পরিচ্ছদ ও অলঙ্কার সমুদায়ই খুলিয়া দিয়া কেবলমাত্র সামান্য মলিন বস্ত্রে গাত্রাবরণ করিয়া দেওয়া হইল। এখন

কে না বলিবে, অমল শশাঙ্কের উপর  
সহসা একথণ্ডে ধূসরবর্ণের মেঘ আসিয়া  
বসিল ! ফুটন্ত কমলকলিকা ছুটী, বাড়ের  
প্রকোপে পঙ্কিল জলে ডুবিয়া পড়িল !  
ধর্মপ্রাণ ভুবনেশ্বর, নয়ন ভরিয়া সেই  
শোকাবহ মর্মচ্ছেদী নৃশ দেখিলেন ।  
তথাপি তাঁহার চিত্তের বৈকল্য কিছুমাত্র  
পরিলাক্ষিত হইল না । সেই প্রফুল্লভাব,  
সেই সহস্র অগ্নান মুখখানি যেন কি এক  
নবরাগে অনুরঞ্জিত হইয়া, তাঁহার লাবণ্য  
শতগুণে পরিবর্দ্ধিত করিল । যেমন  
সব্বময় সন্ন্যাসী ছাইভস্ম মাথিলে, তাঁহার  
দেহের জ্যোতিঃ আরও প্রীতিদায়ক হয়,  
রাজারিও যেন সেই প্রকার হইল । রাজী-  
রও তদবস্থা ।

সপুত্র-পত্নী রাজা ভুবনেশ্বর, অন্তঃপুর  
হইতে বিনিস্রাস্ত হইলেন । সম্মুখে  
রাজপথ । রাজপথ জনাকীর্ণ হইল ।

পঞ্চমবর্ষীয় বালক হইতে শতাধিকবর্ষীয়  
 বৃদ্ধ অনুঢ়া বালিকা হইতে অব-  
 গুণনবতী কুলবধু এবং বৃদ্ধাটী পর্য্যন্ত  
 কেহই আর বাকী রহিল না। সকলেই  
 সোৎসুকভাবে অশ্রুপূর্ণ-নেত্রে রাজপথে  
 সমবেত হইল। অহো! কি ভয়ঙ্কর মর্শ্ব-  
 বিদারক লোমহর্ষণ দৃশ্য! হা ভগবন্!  
 এ কি তোমার বিচিত্র লীলা!

যাহার যেমন প্রাণ সে তেমনি ভাবে  
 রাজাকে প্রাণের আবেগময়ী কথা নিবে-  
 দন করিতে লাগিল। কিন্তু ধর্ম্মপ্রতিজ্ঞ,  
 অটলপণ রাজা কাহারও কথা শুনিলেন  
 না। সকলকেই মিষ্টবাক্যে সান্ত্বনা করিয়া,  
 তথা হইতে যথাসম্ভব অল্প সময়ের  
 মধ্যে অন্তর্হিত হইলেন। সকলে “হার  
 হার” করিতে করিতে সন্ন্যাসীর রাজস্ব  
 প্রত্যাবৃত্ত হইল। কি যেন কি বৈদ্যতিক  
 ঘটনা, অতর্কিতভাবে চোখের সম্মুখ

দিয়া চলিয়া গেল ! সকলেই আশ্বহারা হইল ।

ইহা প্রভাতের ঘটনা । ক্রমে সহস্র-  
 রশ্মি প্রভাকর প্রথর হইতে লাগিলেন ।  
 প্রকৃতিদেবী তপ্ত হইয়া যেন উগ্রচণ্ডা মূর্তি  
 ধারণ করিলেন । তাঁহার তপ্তনিঃশ্বাসে  
 প্রকৃতিবর্গ উৎকণ্ঠিত হইতে লাগিল ।  
 রাজা, রাণী ও রাজপুত্রদ্বয় হাঁটিতে হাঁটিতে  
 ক্রমে ক্লান্ত হইতে লাগিলেন । কুমার  
 দুইটির বয়সও অধিক নহে,—একটি অষ্টম-  
 বর্ষীয় অপবর্গী পঞ্চমবর্ষীয় । রাজা ও  
 রাণী কখন জোষ্ঠটীকে ক্রোড়ে লইয়া  
 হাঁটিতেছেন, কখন কনিষ্ঠটীকে ক্রোড়ে  
 করিয়া যাইতেছেন ; কিন্তু আর যেন  
 পারিতেছেন না । গলদ্বয়কলেবর,—  
 পিপাসায় কণ্ঠ যেন রুদ্ধ হইয়া আসি-  
 তেছে ! এমন সময় কনিষ্ঠ কুমার অতিশয়  
 ভয়ানক জ্ঞপ্তি বলিল --



“মা ! একটু জল দাও । আর থাকতে পার্চি না ।”

রাণী নিরুপায় । স্বামীকে স্পষ্ট কোন কথা বলিতে না পারিয়া, ঘন ঘন রাজার মুখের প্রতি দৃষ্টিপাত করিতেছেন । রাজাও অনন্তোপায় হইয়া স্তোক দিয়া বলিতেছেন ;—“চল বাবা ! আর অধিক দূর নাই । নিকটেই সরোবর ।”

বালক কিছুক্ষণ নীরব হইল । আবার ক্ষণপরে “মা বড় ক্ষুধা, বড় তৃষ্ণা” বলিয়া ক্ষীণকোমল কণ্ঠস্বরে প্রান্তরাকাশ ধ্বনিত করিল । পথের কঙ্কর ও বালুকায় রাণীর কোমল পদ ক্ষতবিক্ষত হইতেছে । স্থানে স্থানে রক্তপাত হইতেছে । প্রথরসূর্য্যকরে মহিষীর সন্তোজাত কমলমুখখানি ঝলসিয়া যাইতেছে । রাজারও অবস্থা তাই । অহো ! অসূর্য্যাম্পশু রাজ-পরিবারের আজ কি নিদারুণ অবস্থা ।

সকলে প্রাস্তুর পার হইয়া, সার্কি-ছি-  
 প্রহরে অন্য একটা রাজপথে আসিয়া  
 উপস্থিত হইলেন। রাজা ভুবনেশ্বর,  
 কুমারযুগলকে রাণীর সহিত একটা সুচ্ছায়  
 বটবৃক্ষমূলে বসাইয়া, স্বয়ং ভিক্ষার্থ বহির্গত  
 হইলেন। ঋণপরে ক্লান্ত কুমারযুগল,  
 কুংপিপাসার হাত এড়াইয়া, মাতৃঅঙ্কে  
 শুমাইয়া পড়িল। সাধবী স্ত্রীমতি, স্বামীর  
 অপূর্ব দানশক্তি দেখিয়া, সেই অবস্থাতেও  
 মঙ্গলময় হরির উপর আত্ম-নির্ভর করিয়া  
 আত্মপ্রসাদ লাভ করিতে লাগিলেন।  
 অবিলম্বেই রাজা আহাগ্য উপকরণাদি  
 লইয়া তথায় আসিলেন। হায় ! অসংখ্য  
 "পাচকপাচিকা" অশেষ যত্নে যাহার খাদ্য  
 প্রস্তুত করিতে মুখাপেক্ষী হইয়া থাকিত,  
 আজ সেই কমলারূপিণী রাজরাণী স্বয়ং  
 পতিপুত্রের জন্ম রন্ধন করিতে গাত্রোথান  
 করিলেন। অবিলম্বে অন্ন প্রস্তুত হইল।

রাজা সন্নিহিত উদ্যান হইতে চারিখানি কদলীপত্র সংগ্রহ করিলেন। অগ্রে কুমারযুগলকে জাগরিত করিয়া, অন্ন দেওয়া হইল। তাহারা আহারে মাত্র বসিয়াছে, এমন সময় একজন মনি-মাণিক্যময় পরিচ্ছদধারী অশ্বারোহী পুরুষ সেইখানে আসিয়া উপস্থিত হইলেন। মহা তাঁহার অশ্বের গতিরোধ হইল। অশ্বারোহী রাণীর চাক্র কমনীয়কান্তি দর্শন করিয়াই অশ্বের গতিরোধ করিয়া-ছিলেন। পাপাত্মারা কামিনীর রূপে মোহিত হইয়া পাগল হয়। তখন তাহাদের শুভাশুভের প্রতি দৃষ্টি থাকে না। অশ্বারোহী পতঙ্গবৎ রাজ্ঞীর রূপানলে ঝাঁপ দিল। তখন তাহার প্রাণের আশা নাই। দুর্ভাগ্যে শশব্যস্তে অশ্ব হইতে অবতরণ করিয়া বলিল ;—

“মহাশয়! আপনার নিকট আমার

একটা নিবেদন আছে। যদি অনুগ্রহ করিয়া শুনেন, তাহা হইলেই প্রকাশ করি।

রাজা বলিলেন ;—

আপনি অকুণ্ঠিতচিত্তে বলিতে পারেন। যদি আমা হইতে আপনার কোন উপকার সাধিত হয়, তাহা হইলে আমিও বিশেষ উপকৃত হইব।

মহাত্মা ও ছুরাত্মার পার্থক্য এতই অন্তর ! ছুরাত্মাগণের ছলনার অসম্ভাব নাই। সঙ্কে সঙ্কেই ছলনার ফাঁদ পাতিয়া বসিল। অশ্বারোহী বলিতে লাগিল ;—

“মহাশয় ! আমি বাণিজ্যের জন্ত সন্নীক এই প্রদেশে আসিয়াছি ; আমার স্ত্রী অন্তঃসত্ত্বা ছিলেন, উপস্থিত তিনি আসন্ন-প্রসবা ; যন্ত্রণায় ছটফট করিতেছেন ; নিকটে কোন আত্মীয়া বা পরিচারিকা নাই যে, তাহার সেবাশুশ্রূষা করে।

মহাশয় ! বোধ হয় অধিক বলিতে হইবে না যে, স্ত্রীলোকের এইকালে কি শোচনীয় অবস্থা, এবং এইকালে অল্প স্ত্রীলোকের কিরূপ সাহায্য আবশ্যক হয় ! যাহা হইক, আমি আর অধিক সময় অতিবাহিত করিতে পারি না ; অদূরেই নদী । ঐ নদীবক্ষে আমার বাণিজ্য-নৌকা ; তদুপরে আমার স্ত্রী ঐরূপ কষ্টভোগ করিতেছে । অনুমানে বোধ হইতেছে যে, আপনার পার্শ্বোপবিষ্ট রমণীটি আপনারই সহধর্মিণী হইবেন । বলিতে পারি না, মহাশয় ! যদি দয়া করিয়া ক্ষণকালের জন্য আমার উপকারার্থ আপনার পত্নীকে প্রেরণ করেন, তাহা হইলে আমি আজীবন আপনার নিকট কৃতজ্ঞ থাকিব ।”

অস্বারোহী মধ্যে মধ্যে “হার ! এতক্ষণ কি হইতেছে, কি হইতেছে” বলিয়া দীর্ঘনিশ্বাস পরিত্যাগপূর্বক আপনার অন্ত-

বেদনা জ্ঞাপন করিতে লাগিল। দয়ার্দ্র-  
হৃদয় ধর্মপ্রাণ রাজা ভুবনেশ্বর, আগন্তুকের  
বাক্যে কিছুমাত্র সন্দেহ বিবেচনা করিলেন  
না। বরং ক্ষুধ-অন্তরে পত্নীর মুখপানে  
চাহিলেন। স্বামীপরায়ণা সধর্মামুরক্তা  
রাজ্ঞী সুমতি, অভ্যাগত অশ্বারোহীর স্ত্রীর  
কষ্টশ্রবণে ব্যথিত হইয়াছিলেন। এক্ষণে  
রাজার মনোভাব বুঝিয়া, তাঁহাকে সত্য-  
পাশ হইতে মুক্ত করিবার জন্য সহস্র-  
বদনে বলিলেন ;—

“স্বামিন্! মঙ্গলময় হরির মঙ্গলময়ী  
ইচ্ছা পূর্ণ হউক। অনুমতি করুন, আগ-  
ন্তুক ব্যক্তির পত্নীর সেবাশ্রমণা করিয়া,  
অবিলম্বে আপনার শ্রীচরণ দর্শন করিব।”

রাজা অনুমতি দিলেন। রাণী, স্বামীর  
পদে প্রণাম করিয়া, অশ্বারোহীর পশ্চাৎ  
অনুসরণ করিলেন। রাণীকে পদব্রজে  
অধিক দূর যাইতে হইল না। নিকটেই

বন ছিল ; অশ্বারোহী বনস্থলীর সমীপবর্তী হইয়া, বলপূর্ব্বক রাণীকে অশ্বপৃষ্ঠে তুলিয়া অশ্বপৃষ্ঠে কষাঘাত করিল । শিক্ষিত অশ্ব, তীরবেগে বনমধ্যে প্রবেশ করিল । রাণী তখন অচৈতন্য । অশ্বারোহী রাণীকে যখন বলপূর্ব্বক অশ্বপৃষ্ঠে তুলে, তখন সাধ্বী অনেক কাঁদিয়াছিলেন ;—অনেক চীৎকার করিয়াছিলেন ; কিন্তু হায় ! সে রোদন, সে চীৎকার-ধ্বনি বনান্ত্যাকাশে লীন হইয়া গিয়াছিল । উহা রাজা বা কোন হৃদয়বান্ পুরুষের নিকট পঁহছিল না । কিন্তু রাণী ভাবিয়াছিলেন, “আমার এই নিবেদন অত্র কাহারও নিকট না পঁহছিলেও, মঙ্গলময় হরির নিকট নিশ্চয়ই পঁহছিব । কারণ, তিনি নিঃসহায়া সৈরিকীর বিপদের বন্ধু হইয়াছিলেন ।

ধর্ম্মপ্রাণ রাজা ভুবনেশ্বর, পত্নী স্মৃতিকে বিদায় দিয়া, নিশ্চিন্ত থাকিতে পারিলেন

না। “অথারোহীর পত্নীর এখন কি দশা  
হইতেছে, আত্মীয়স্বজনবিরহিত বিদেশে  
আসিয়া কত কষ্ট পাইতেছে,” ইত্যাদি  
চিন্তায় তাঁহার কোমল-হৃদয় কাঁপিতে  
লাগিল। সময়ে সময়ে দুই হাত উর্ধ্বে  
তুলিয়া, মঙ্গলময় হরির উদ্দেশে তাঁহার  
করুণাবেদন জানাইতে লাগিলেন।

বেলা আর অধিক নাই। পুত্র দুইটা  
জননীর জন্ত বাস্তু হইল। রাজাও এক-  
টুকু চিন্তিত হইলেন। তখনও রাজার  
আহারাদি হয় নাই। ক্রমে সন্ধ্যা—রাজার  
মনে দুশ্চিন্তা আসিল। সম্মুখে নিবিড়  
লতাগুল্মাচ্ছাদিত ভীমদর্শন অরণ্য! রাজ্ঞী  
কিরূপে সন্ধ্যার প্রায়ুখে সিংহ-শার্দূল-  
ভঙ্গুক-সমাকুল অরণ্যপথ অতিক্রম করিয়া  
এখানে উপস্থিত হইবেন, এই চিন্তায়  
তাঁহার অন্তরাত্মা বিকম্পিত হইল। পর-  
ক্ষণেই স্বভাব-সুভূত ধৈর্য ও মঙ্গলময়



হরির মঙ্গলময় কার্য স্বরূপে তাঁহার উদ্ভাসিত  
 চিত্ত শান্ত হইল। তিনি মনে মনে অনেক  
 ভাবিলেন। শেষে ইহাই স্থির করিলেন যে,  
 অশ্বারোহী যখন এই সম্মুখস্থ বনপথে  
 গমন করিয়াছেন, তখন আমিও কুমার-  
 গণকে লইয়া এই পথে যাইলে, রাণীর  
 সন্ধান পাইব। তিনি তাহাই করিলেন।  
 কিন্তু কে? কেহই ত নাই! কোথায়  
 বা অশ্বারোহীর বাণিজ্য-তরী, কোথায় বা  
 অশ্বারোহী, কোথায় বা তাহার আসন্ন-  
 প্রসবা পত্নী আর কোথায় বা কমলারূপিণী  
 সাধবী স্মৃতি! কেবলমাত্র ক্ষীণতোয়া  
 স্রোতস্বিনী বনপ্রান্তে বনভূমির গম্ভীরতা  
 জ্ঞাপন করিয়া বেগে বহিতেছে। মঙ্গলময়  
 ভগবান্ কি মঙ্গল কারণে এ ভীম দৃশ্যের  
 অবতারণা করিলেন? কে বলিবে, এ  
 ভীষণ ঘটনায়ও কি মঙ্গলবাজের অঙ্কুর  
 নিহিত রহিয়াছে? কে ভাবিবে, এ

ঘটনা মঙ্গলাম্পদ ? অটল-বিশ্বাস, সূচরিত ভুবনেখরের অচল-হৃদয় কিঞ্চিৎ বিচলিত হইল। এক্ষণে তিনি বেশ বুদ্ধিতে পারিলেন যে, অথারোহী ছুরায়া। অসদভি-প্রায়ে মিথ্যা প্রতারণায় বঞ্চনা করিয়াছে ! যাহাই হউক, তখনই তিনি আত্মসংযম করিয়া লইলেন। শ্লথহৃদয় বিশ্বাসের দিব্যতারে বাধিলেন ! “মঙ্গলময় তোমার ইচ্ছা” বলিয়া পুত্র ছুটীকে কোলে লইয়া, বনপ্রান্তে নদীসৈকতে আসিয়া উপস্থিত হইলেন।

সন্ধ্যা উত্তীর্ণ হইল। রাজা একটুকু ভীত হইলেন। কিরূপে কুমার ছুটীকে নদী পার করিয়া, ভীষণ বনভূমিস্থ হিংস্র-জন্তুর হাত এড়াইবেন, তাহাই তাঁহার চিন্তার বিষয় হইল। এমন সময় দেখিলেন, অতি দূরে কতকগুলি লোক হাঁটিয়া নদী পার হইতেছে। জল অধিক নাই,

তাহাদের বক্ষা করি মগ্ন হইয়াছে মাত্র ।  
মহারাজ ভুবনেশ্বর তাহা দেখিয়া, মঙ্গলময়  
হরিকে মনে মনে শত সহস্র ধন্যবাদ  
দিলেন । তখনই ত্তিক্রিসহ দুই চক্ষের দুই-  
টুকু অশ্রুনেবেদ্য তাঁহার শান্তিময় পদে  
নিবেদন করিলেন ।

রাজা আর বিলম্ব করিলেন না । জ্যেষ্ঠ  
কুমারটীকে নদীপুলিনে বসাইয়া, কনিষ্ঠ  
কুমারটীকে স্বন্ধে করিয়া, নদীবক্ষে  
অবতরণ করিলেন, এবং জ্যেষ্ঠকে  
বলিলেন ;—

“বাবা, তুমি এইখানে একটুকু থাক ।  
আমি ইহাকে পরপারে রাখিয়া আসিয়া,  
তোমাকে লইয়া যাইব । মাতৃহারা কুমার  
উন্নতভাবে সেইখানে বসিয়া, স্বীয়  
জননীর কথা চিন্তা করিতে লাগিল ।  
রাজা কনিষ্ঠ কুমারকে লইয়া, যখন নদী-  
বক্ষের মধ্যবর্তী হইয়াছেন. তখন জ্যেষ্ঠ

কুমারটী কুল হইতে চীৎকার করিয়া উঠিল ;—

“বাবা, বাঘে ধ’রলে গো, বাঘে ধ’রলে !”

সত্য সত্যই তখন একটা প্রকাণ্ড বাঘ আসিয়া, জ্যেষ্ঠ কুমারকে পৃষ্ঠে করিয়া, বনমধ্যে সবেগে যাইতেছিল। রাজা কি করিবেন ; যেমন ব্যস্ত হইয়া, দ্রুতপদে কুলাভিমুখে আসিতে উদ্যত হইলেন, অমনি তাঁহার পদস্থলিত হইল। তিনি জলমগ্ন হইলেন। অমনি দৈব কনিষ্ঠকুমারটীকে স্রোতের টানে চক্ষুর নিমিষে কোথায় লইয়া গেল, আর দেখা গেল না। রাজা গাত্রোখান করিয়া স্বন্ধে হাত দিয়া দেখিলেন, নদীর গোপাল নাই ! ছুধের বাছা নাই ! হার ভাগা ! তুমি সকলই করিতে পার ! কাল যে মহাপুরুষ স্ত্রীপুত্রপরিবেষ্টিত স্বর্ণময়ী পুরীতে অবস্থান করিয়া, সাম্রাজ্যেশ্বর সার্বভৌম বলিয়া পরিগণিত

ছিলেন, আজ তিনি রাজ্যচ্যুত পত্নীপুত্র-  
 হারা। সকলই তোমার লোককবলে  
 ডালি দিয়া, নিরাশ্রয় নদীবক্ষে দণ্ডায়মান।  
 হা ভাগ্য! এ কলঙ্ক তোমার চিরদিন!

রাজা জলশ্রোতে পটের ছবির মত  
 কিছুক্ষণ দাড়াইয়া, সাক্ষনয়নে পরপারে  
 উত্তীর্ণ হইলেন। বিছাঘেগে নদীর কিনা-  
 রায় কনিষ্ঠকুমারের অনুসন্ধান করিতে  
 লাগিলেন; কিন্তু কোথাও দেখিতে  
 পাইলেন না। হতাশপ্রাণে পুনরায় নদী-  
 তীরস্থ পথে আসিয়া উপস্থিত হইলেন।  
 তখন রাত্রি প্রায় এক প্রহর। স্ত্রীপুত্র-  
 হীন কান্দাল ভুবনেশ্বর কি করেন, সে  
 অবস্থাতেও সকল অনুতাপজালা মঙ্গলময়  
 হরির পাদপদ্মে অর্পণ করিয়া, নিশাযাপনের  
 জন্ত নিকটস্থ বৃহৎ বৃক্ষের শাখায় আরোহণ  
 করিলেন। সারারাত্রি অনিদ্রায় অতি-  
 বাহিত হইল। ৯ প্রভাত হইলে ক্ষুণ্ণহৃদয়ে

ভুবনেশ্বর চলিলেন। বহুপথ অতিক্রম  
 করিয়া দেখিতে পাইলেন, একটা প্রকাণ্ড  
 মাঠে কতকগুলি কৃষ্ণকায় নরনারী হস্তে  
 লাল নীল শ্বেত কৃষ্ণাদি নানারঙ্গের  
 পতাকা লইয়া দণ্ডায়মান রহিয়াছে।  
 দামামা, রংচক্কা, তুরী, ভেরী প্রভৃতি বিবিধ  
 বাণ্যযন্ত্র বাজাইতেছে। তাহাদের গানে  
 সমস্ত মাঠ পূর্ণ হইয়াছে। সকলেই উচ্চ  
 ভাবে নৃত্য করিতেছে। রাজা ভুবনেশ্বর  
 ইহার কারণ জানিবার জন্ত, ধীরে ধীরে  
 জনতার নিকট আসিলেন। তিনি আসিবা-  
 মাত্র একটা কৃষ্ণবর্ণ পারাবত তাঁহার মস্তকে  
 উপবেশন করিল। তিনি শিহরিয়া উঠি-  
 লেন। অমনি সমবেত জনগণ বিষম  
 কোলাহল করিতে করিতে তাঁহাকে বেষ্টন  
 করিল; এবং যেন কি অকপট আনন্দে  
 তাহারা নৃত্যগীতের মাত্রা বাড়াইয়া দিল।  
 রাজা ভীত হইলেন। আগন্তুক জনগণকে

দৃশ্য নঃঘাতক ভাবিয়া, তাঁহার হৃদয়  
কাঁপিতে লাগিল। কিন্তু পরক্ষণে “হরি-  
মঙ্গলময়” এই জ্ঞান তাঁহার সভয় অন্তরকে  
পুলকিত করিয়া তুলিল। তিনি আগন্তুক-  
গণকে বলিলেন ;—

“তোমরা একরূপ করিতেছ কেন ?  
তোমাদের উদ্দেশ্য কি ?” তখন তাহাদের  
মধ্যে একজন বৃদ্ধ, রাজাকে সাষ্টাঙ্গে প্রণাম  
করিয়া করযোড়ে বলিল ;—

“মহারাজ ! আমাদের রাজার মৃত্যু  
হইলে, দেশীয় পদ্ধতিক্রমে পরদিন প্রাতে  
এই মাঠে একটা পারাবত ছাড়িয়া দেওয়া  
হয় ; সেই পারাবত যাহার মস্তকে বসে,  
তাহার জাতিকুলাচারাদি বিচার না  
করিয়া, তাহাকে আমাদের দেশের রাজা  
করা হয়। গত কল্যা আমাদের রাজার  
মৃত্যু হইয়াছে। সেই রীতানুসারে অত  
প্রাতে এই কৃষ্ণ পারাবতটিকে উড়াইয়া

দেওয়া হইয়াছিল, এখন এই পারাবত  
আপনার মাথায় বসিয়াছে। সুতরাং আজ  
হইতে আপনি আমাদের রাজা হইলেন ;  
এবং এই বিশালরাজ্যের ভার আপনার  
উপর গুস্ত হইল।”

রুদ্ধ এই কথা বলিতে বলিতে, তথায়  
অবিলম্বে একটা গজমুক্তামালাগণ্ডিত বহু-  
মূল্যবান্ শকট আসিয়া পঁহছিল। সকলে  
রাজাকে অনুরোধ করিয়া, শকটারোহণ  
করিতে বলিলেন। তিনি তাহাতে আরোহণ  
করিলে, শকট দ্রুতবেগে রাজধানীর অভি-  
মুখে চলিল। চারিদিকে নৃত্যগীত উৎসবের  
শ্রোত বহিতে লাগিল। পুরবালাগণ  
প্রাসাদশীর্ষ হইতে সুগন্ধি কুম্ভ ও লাজ  
বর্ষণ করিতে লাগিলেন। নগর আনন্দ-  
কোলাহলে পূর্ণ হইল। যেন মরদেশে  
স্বর্গের মন্দাকিনী নামিয়া আসিল।  
দেখিতে দেখিতে শকটখানি রাজসভার



সম্মুখে আসিয়া উপস্থিত হইল। রাজা ভুবনেশ্বর, যথোপযুক্ত সম্মান-সহকারে রাজসভায় প্রবেশ করিলেন। অমনই মণিময়মুকুট, হীরাজহরতের কাজ করা উৎকৃষ্ট বহুমূল্য পট্টবস্ত্র, চন্দনসুরভিপূর্ণ হিরন্ময় বাটী শিল্পচাতুর্য্যে গাঁথা নানাবিধ ফুলের মালা আসিয়া পঁহছিল। জনৈক শ্বেতবসন-শ্বেতশ্মশ্রুধারী বৃদ্ধ আসিয়া রাজাকে পট্টবসন ও স্বর্ণভূষণ পরাইয়া দিল। গলায় ফুলের মালা ঝুলাইয়া দিল। সর্বাঙ্গে অগুরুচন্দনসুরভি ছিটাইয়া দিল। প্রতিভাদীপ্ত জ্যোতির্ময় ললাটে রক্তচন্দনের কোঁটা দিল। মাথায় মণিময় মুকুট পরাইয়া দিয়া, হীরাজহরতখচিত ময়ূরসিংহাসনে বসাইল। ভিখারী ভুবনেশ্বর আবার রাজা সাজিলেন। সভা ভঙ্গ হইল।

রাজা ভুবনেশ্বর কয়েকদিনের মধ্যেই প্রজামণ্ডলীর চিত্তাকর্ষণ করিয়া লইলেন।

ঐহার অমানুষিক সরলতা, ধীরতা ও বিজ্ঞতা সকল প্রজারই চিত্তরঞ্জক। তিনি সকলেরই প্রিয় হইলেন। রাজকার্য্য সুচারুরূপে চলিতেছে। একদিন রাজা রাজসভায় রাজ্যসংক্রান্ত বিষয় আলোচনা করিতেছেন, এমন সময় প্রহরী আসিয়া বলিল, “মহারাজ ! আমাদের দেশের সম্রাট সদাগর মাণিক্যবেণিয়া ভেট লইয়া ছজুরের সাক্ষাৎলাভে আসিয়াছে।”

রাজা আসিতে অনুমতি দিলেন। সদাগর বাণিজ্যার্থে দূরদেশে গমন করিয়াছিল। বর্তমান ভূপতির রাজা হওয়ার সময় সে রাজ্যে ছিল না; সম্প্রতি আসিয়াছে। তজ্জন্ম ভেট লইয়া নব-ভূপতির সহিত আলাপপরিচয়ের জন্ম উপস্থিত। রাজাদিগের সহিত পরিচিত হওয়া, সদাগরদিগের একটা বিশেষ লাভের বিষয়। মাণিক্যবেণিয়া সেই দ্বারে

ভেট লইয়া রাজসভায় প্রবেশ করিল। রাজা আপাদমস্তক দেখিলেন। দেখিতে দেখিতে তাঁহার সর্বাঙ্গ লোমাঞ্চিত হইল। বুক ছুরু ছুরু করিতে লাগিল। কি যেন বৈদ্যুতিক আঘাতে রাজা কিয়ৎক্ষণ তুষ্ণীভূত রহিলেন। পরে আবার ভাল করিয়া দেখিলেন। একবার দেখিয়াই মাণিক্যবেণিয়াকে চিনিলেন। কে সেই মাণিক্যবেণিয়া ? যে পাপিষ্ঠ আসন্নপ্রসবা পত্নীর যন্ত্রণার ভাণ করিয়া, রাজরাণী লক্ষ্মীরূপিণী স্মৃতিতে পথিমধ্যে রাজার নিকট ভাঁড়াইয়া লইয়া গিয়াছিল, এ সেই লম্পট প্রবঞ্চক মাণিক্যবেণিয়া। মাণিক্য, তুমি চিনিতে পারিতেছ না, কিন্তু তুমি যাহাকে ভাঁড়াইয়াছ, সে আজ তোমায় চিনিয়াছে। তুমি যে ধর্মের মাথা খাইয়া পলাইয়াছিলে, সেই ধর্ম আজ তোমাকে ধরাইয়া দিয়াছে। এখন আর তুমি লুকাইতে পারিবে না।

বেণিয়া অতি অল্পসময় কাঙ্গালবেশী ভুবনেশ্বরকে প্রথম সন্দর্শন করিয়াছিল, এখন তাঁহার রাজবেশ, বিশেষতঃ সেই দিন সে রাজ্যীর সৌন্দর্য্যে এরূপ বিমুগ্ধ হইয়াছিল যে, অপর কাহারও প্রতি সে ভাল করিয়া লক্ষ্য করিতে পারে নাই ; সুতরাং সে রাজাকে চিনিতে পারিল না ।

রাজা, পত্নী-অপহারী দু'রাষ্ট্রাকে আত্ম-পরিচয় দিলেন না ; নানাবিধ কথা বলিতে লাগিলেন ! বেণিয়ার খাতির অভ্যর্থনা-দির কোন ক্রটি করিলেন না ; বরং মাত্রায় একটুকু বাড়াইয়া দিলেন । বেণিয়া একেবারে হাতে স্বর্গ পাইল । বহুক্ষণ কথাবার্ত্তার পর সভাভঙ্গের সময় হইলে, রাজা বেণিয়াকে বেলা অধিক হইয়াছে বলিয়া থাকিবার জন্ত অনুরোধ করিলেন । বেণিয়া রাজার সহিত ঘনিষ্ঠতা অধিক করিবার আশায় থাকিয়া গেল ।

অমৃতপুরে রাজা ও সদাগর স্নানাহার করিলেন। রাজা আপনার অমল দুগ্ধ-ফেননিভ শস্যায় বেণিয়াকে লইয়া নানা-কথার অবতারণা করিলেন। ক্রমে স্ত্রী-চরিত্রের কথা শুরু হইল। রাজা বলিলেন, “সীতার লায় আদর্শসতী জগতে আর নাই। তিনি পতি রামচন্দ্রের বন-বাসে সহগামিনী হইয়াছিলেন। অশোক-বনে প্রত্যক্ষ অগ্নিরূপিণী হইয়া, দিগ্বিজয়ী রাবণের তীব্র শাসনেও পাতিব্রতা বজায় রাখিয়াছিলেন। পতিকে লাভের জন্ত অনলকুণ্ডে ঝাঁপ দিয়া, আপনার অতি বিগ্নকতার পরিচয় দিয়াছিলেন। একরূপ আদর্শনারী জগতের ইতিবৃত্তে আর কি দেখিয়াছেন?”

তারপর, মহাসতী সাবিত্রী দময়ন্তী প্রভৃতি প্রাতঃস্মরণীয়া রমণীগণের পবিত্র কাহিনী কহিতে কহিতে সাধুচেতা

ভুবনেশ্বরের অবেগময়ী অশ্রুরাশি চক্ষু  
দিয়া বাহির হইতে লাগিল। বেণিয়াও  
অধৈর্য্য হইয়াছিল। বেণিয়া কহিল ;—

“মহারাজ ! রত্নভূমি ভারতভূমি সতী-  
প্রসবিত্রী। যদিও উপস্থিতকালে সীতা,  
সাবিত্রী, দময়ন্তী প্রভৃতি মহাসতী নাই,  
তথাপি তাঁহাদের গায় পূতস্বভাবা মাধ্বী  
সতীরও বিরল নাই। এখনও এ ভারতে  
এমন রমণী আছেন যে, বাঁহারা পুরাণোক্ত  
প্রোতঃস্মরণীয় রমণীগণের সারসম্পত্তি  
সতীত্ব পরমমত্রে রক্ষা করিয়া সতীত্বালোক  
বিস্তার করিতেছেন !”

রাজা বিস্ময়াবিষ্ট হইয়া কহিলেন ;—  
“সদাগর মহাশয় ! আপনার এ কথায়  
আমি সম্পূর্ণ অনুমোদন করিতে পারি-  
লাম না। আমি এ পর্য্যন্ত সেরূপ স্ত্রী-  
লোক দৃষ্টিগোচর করি নাই।”

তখন বেণিয়া বক্ষ স্ফীত করিয়া কথ-

ক্ষিৎ উচ্চকণ্ঠে বলিল ; “মহারাজ ! ভুল ভুল ! আমার নিকটেই সেইরূপ দেবী-প্রতিমা রহিয়াছেন । যঁাহাকে আপনি দেখিলেই নতশিরে ভক্তিপুষ্পাঞ্জলি নিবেদন করিতে আগ্রহ প্রকাশ করিবেন ।”

রাজা আপনাকে কৃতার্থস্বৰ্গ জ্ঞান করিতে লাগিলেন । কিন্তু বেণিয়াকে তাহা বুঝিতে দিলেন না । অনেক চেষ্টায় সে ভাব গোপন করিয়া বলিলেন ;—

“সদাগর মহাশয় ! আমি আপনার কথায় চমৎকৃত হইতেছি । আপনার নিকট সতীকুলাদর্শ সীতা দময়ন্তীর ছায় রমণী রহিয়াছেন. সে নারী কে ? তিনি কি আপনাব সহধর্মিণী ?”

বেণিয়া জিহ্বা কর্ত্তন করিয়া বলিল,—  
“মহারাজ ! সে অদৃষ্ট ভাগ্যবানেরই হইয়া

ধাকে। আমি পাপাত্মা, ছুরাচার” ইত্যাদি বিবিধ আত্মগানিসূচকবাক্য উচ্চারণপূর্বক সাধবী স্মৃতিহরণ-বিবরণ রাজাকে অকপটহৃদয়ে বিবৃত করিল। শেষ সেই আত্মগানিই তাহার আত্ম-পরোধের প্রায়শ্চিত্ত। শাস্ত্রীয় তুষা-নলের ব্যবস্থা, সেই যন্ত্রণার গ্রাম ক্লেশকর হইত না।

বেণিয়া ইহাও বলিল ;—“যদি আমি উপস্থিত মুহূর্তে তাহার স্বামীর কোথাও অনুসন্ধান পাই, তাহা হইলে দন্তে তৃণ করিয়া সেই কমলাকে প্রত্যর্পণ করিয়া আসি। কিন্তু হায় ! আমার সে আশা বিফল হইবে। সাধবী আট দিন অনর্শনে রহিয়াছেন। আর তাঁহার বাঁচিবার আশা নাই। হায় মহারাজ ! এখন আমার জ্ঞান হইতেছে, আমি কি কুকার্য্যই করিয়াছি।”



বেণিয়া আর থাকিতে পারিল না। অজ্ঞাতসারে দুইফোঁটা অনুতাপের অশ্রু বেণিয়ার পাপলোলুপ চক্ষু হইতে বাহির হইল। ভগবান্ তাহা দেখিলেন। রাজা উৎসাহসহকারে বলিলেন ;—

“সদাগর মহাশয় ! আপনি যে ভাবে সে রমণীকে বর্ণনা করিলেন, তাহাতে তাঁহাকে দেববালা বলিয়া বোধ হয়।” সদাগর রাজার কথা শেষ না হইতেই ব্যগ্র হইয়া বলিল ;—

“দেববালা ! নিশ্চয়ই, নিশ্চয়ই। আমি বহু চেষ্টা করিয়াও তাঁহার মুখখানি দেখিতে পাই নাই। সর্বদাই “হা প্রাণেশ্বর ! হা ধার্মিক রাজন্ !” এই তাঁহার রোদনধ্বনি ; সে ধ্বনি শুনিলে পশুও আক্ষেপ প্রকাশ করে ; আমরা ত রক্ত-মাংসময় বুদ্ধিজীবী জীব।”

রাজা আপনার পতিব্রতা পত্নীর

প্রশংসা শুনিয়া, আপনাকে কৃতার্থমুগ্ধ  
জ্ঞান করিতে লাগিলেন। অনন্তর সোৎ-  
স্বুকে বলিলেন ;—

“সদাগর মহাশয় ! আমি একবার সেই  
দেবীপ্রতিমা সাধ্বী মূর্তিটিকে দেখিতে  
ইচ্ছা করি। যদি আপনার মত হয়,  
তাহা হইলে, আমি আপনার সহিত আজই  
আপনার বাটীতে যাই।”

সদাগর, রাজার কথায় চরিতার্থ হইয়া  
রাজাকে আপনার বাটীতে লইয়া যাইবার  
জন্ম আগ্রহ প্রকাশ করিতে লাগিল।  
এইরূপ কপোপকথনে সন্ধ্যা হইল। রাজা  
ও - সদাগর রাজবাটী হইতে বাহির  
হইলেন।

যথাসময়ে সদাগরের সহিত রাজা সদা-  
গরের বাটীতে পহুঁছিলেন। সদা-  
গর নানাবিধ অভ্যর্থনায় রাজার সন্তোষ-  
সাধন করিতে লাগিল। আহাৰাদির

আয়োজনে একটা হৈ চৈ পড়িয়া গেল। তাহার মধ্যে সদাগরও ছিল। কিন্তু রাজার কোন দিকে দৃষ্টি ছিল না,—কোন কথাতেই কর্ণপাত করিতেছিলেন না; কেবল কতক্ষণে পুণ্যময়ী সুমতির সাক্ষাৎ পাইবেন, এই চিন্তা তাঁহাকে উন্মনস্ক রাখিয়াছিল। সাধ্বী সুমতি যে কক্ষে সদাগরকর্তৃক অবরুদ্ধাবস্থায় আপন চক্ষের জলে বুক ভাসাইতেছিলেন, সেই কক্ষের পরকক্ষেই রাজা বসিয়াছিলেন; সুতরাং মধ্যে মধ্যে সাধ্বী সুমতির দীর্ঘনিশ্বাস হা ছতাশ রাজার কর্ণে আসিয়া লাগিতেছিল। ক্ষণপরে সুমতি পুত্রহতীর নামোল্লেখপূর্বক চীৎকার করিয়া উঠিলেন। তাঁহার করুণময় দীর্ঘবিলাপে রাজার উৎকৃষ্ট হৃদয়কে আরও আলোড়িত করিল। সুমতি বিলাপ করিতেছিলেন;—

“হা ধর্মপ্রাণ রাজন্! কোথায়  
 আপনি? আপনার সরলবিশ্বাস ও ধর্ম-  
 ব্রত উদ্বাপনের পুরস্কারস্বরূপ আজ আপ-  
 নার সহধর্মিণীর এই ছুরবস্থা ঘটিয়াছে।  
 এখন কিরূপে কোন্ পুণ্যে আপনার  
 পবিত্র শ্রীচরণে পুনঃ আশ্রয়লাভ পাইব?  
 হা অর্থলুক কপট সন্ন্যাসি! তোর আশার  
 কুহকাগ্নিতে পড়িয়া, আমার তেমন  
 দেবতা স্বামীর স্মৃচতুরা বুদ্ধি ছাইভস্ম  
 হইয়া গিয়াছে। হা প্রাণেশ্বর! ধর্মের  
 ছলনার আপনি কপটীর কাপট্যজালে  
 জড়াইয়া পড়িলেন? ধিক্ ধর্ম্মে! যে  
 ধর্ম্মের পরিণাম এত শোচনীয়!”

ধর্ম্মপ্রাণ রাজা আর স্থির থাকিতে  
 পারিলেন না; আপন মহিষী স্মৃতির  
 মুখে ধর্ম্ম-কুৎসা শুনিয়া, জনাস্তিকে ক্ষীণ-  
 কর্ণে বলিতে লাগিলেন;—

“হা সাধিব! ধর্ম্মের বিপাকে আজ

তুমি কর্তব্যবুদ্ধি হারাইলে ? ধর্মের  
স্বল্পগতি বুঝিতে পারিতেছ না ? বৃথা  
কেন অমৃতপ্ত হইতেছ ? যে ধর্মের ছল-  
নায় তোমার স্বামী রাজ্যচ্যুত, তোমার পুত্র  
দুইটা তোমার কক্ষভ্রষ্ট, তুমি স্বয়ং পর-  
গৃহবাসিনী, সেই ধর্মের খুঁটি ধরিয়া থাক,  
তাহার মুখাপেক্ষী হইয়া আত্মহারা হইয়া  
থাক, দেখিবে—সেই ধর্মের শেষশয্যা  
বালুকঙ্করপূর্ণ নহে ! কিরূপ সুকুমার  
কুমুম-নিভ ! হায় দেবি ! নিষ্কলঙ্ক চন্দ্র-  
মায় কালিমারেখা লেপিতে তোমার পবিত্র  
মনে বাধা লাগিল না ? আমি ইহাতেই  
আশ্চর্য হইতেছি ।”

রাণী শুনিলেন । পতিপ্রাণা সাধ্বী,  
স্বামীকণ্ঠনিঃসৃত উপদেশ শুনিয়া কি  
করিলেন ? তাহা বর্ণনাতীত ! বরাঙ্গী  
ধরাসনে আছাড়ি পাছাড়ি খাইতে লাগি-  
লেন । স্বর্ণবপু অশ্রুমিশ্রিত ধূলিতে এক

নবীভাব ধারণ করিল। নিদাঘে প্রদত্ত  
 একটী শ্যামালতা বৃষ্টিধারা পাইলে যেরূপ  
 উৎফুল্ল হয়, সেইরূপ স্বাধ্বী সুমতি রাজা  
 ভুবনেশ্বরের কণ্ঠস্বর শুনিয়া সে বিপদে  
 আনন্দলাভ করিলেন : উচ্ছ্বাসে আর  
 ধৈর্যধারণ করিতে পারিলেন না। মৃত-  
 প্রায় ব্যক্তি সঞ্জীবনীসুধায় যেমন নবশক্তি  
 প্রকাশ করে, মুমূর্ষাপন্নরাণী, রাজার আগ-  
 মন জানিতে পারিয়া, তেমনি নবশক্তি  
 লাভ করিয়া উন্মাদিনীর গায় উচ্চৈঃস্বরে  
 কহিলেন ;—

“মহারাজ ! মহারাজ ! আপনি এখানে ?  
 আমার কি ছরবস্থা ঘটয়াছে দেখুন নাথ !”

সে স্বর বজ্র অপেক্ষাও কঠোর। কুমুম  
 অপেক্ষাও কোমল ! বিষ অপেক্ষাও তীব্র !  
 অমৃত অপেক্ষাও মধুর ! সে দৃশ্য অতি  
 অদ্ভুত ! অতি বিস্ময়প্রদ ! তৎকালে  
 রাজার অবস্থাও তাই। তিনিও বিভোর

হইয়া ছিলেন ! আবেগ তাহারও কণ্ঠ  
বাম্পরুহ হইতেছিল । কিছুতেই তিনি  
জদরের উদ্বিগ্ন রাখিতে পারিলেন না ।  
উন্মাদের ঞ্চায় ব্যাকুল হইয়া বলিলেন ;—

“রাগি ! রাগি ! আমার আদরিণী স্মৃ-  
তির এ অবস্থা !”

এই বলিয়া অপনার অশ্রুতে বক্ষ সিক্ত  
করিতে লাগিলেন । সে দৃশ্য অদ্ভুত !

তন্মূহুর্ত্তে সদাগরের গৃহকুটুম এক  
বিভৎসধ্বনিতে আলোড়িত হইল । সদা-  
গর, মহারাজের আহাৰ্য্যসংগ্ৰহে ব্যস্ত  
ছিল, ইহার মধ্যে যে এত ঘটনা ঘটিবে,  
তাহা সে কিছুই বুঝিয়া উঠিতে পারে  
নাই । এখন সদাগরের মাথা টলিল ।  
রাজার নিকট ছুটিয়া আসিল । রাজা  
ভুবনেশ্বর, সদাগরকে দেখিয়া চিরশূৰ্ষা  
হারাইলেন । পাগলের ঞ্চায় তীব্রকণ্ঠে  
বলিলেন ;—

“ছুরাচার বণিক ! নরকের কুমি কীট  
পাপাশয় ! দে, শীঘ্র দ্বার খুলিয়া  
দে ।”

এই বলিয়া দ্রুতপদে রাণীর প্রকোষ্ঠের  
কপাটে পুনঃ পুনঃ নিদারুণ পদাঘাত  
করিতে লাগিলেন । ভীষণ আঘাতে  
কাষ্ঠের কপাট ভাঙ্গিয়া গেল । বিদ্যুৎবেগে  
রাজা গৃহমধ্যে প্রবেশ করিলেন । জীর্ণা-  
শীর্ণা অশ্রু-অভিষিক্তা সতী স্মৃতি, রাজার  
পাদমূলে পতিতা হইলেন । রাজা  
আবেগে তাপক্লিষ্টা শুভ্রা যুথিকাটী বক্ষে  
লইয়া ঘন ঘন শ্বাস ফেলিতে লাগিলেন ।  
সদাগর অবাক্, আড়ষ্ট ! অধিকক্ষণ নহে,  
ক্ষণপরেই আতঙ্কে বুক ছুরু ছুরু করিতে  
লাগিল । চৈতন্য যেন ছুটিয়া আসিয়া  
সদাগরের ঘাড় ধরিয়া, রাজার পদতলে  
পাতিত করিল, সদাগর রাজার পদধারণ  
করিয়া কেবলমাত্র বলিল ;—



“মহারাজ ! রক্ষা করুন ! মহারাজ  
রক্ষা করুন !”

তখনও রাণী মূর্ছাপন্ন। বহুযত্নে  
রাজা, সুমতির চৈতন্য দান করিলেন।  
সদাগর তখনও নতজানু হইয়া ঘোড়করে  
“রক্ষা করুন, রক্ষা করুন” বলিতেছে,  
আর দুই চক্ষু হইতে দর দর ধারে অশ্রু  
বিগলিত হইতেছে। তদবস্থায় রাজা  
সদাগরকে অভয় দিলেন, এবং বিলম্ব  
না করিয়া সুমতিকে লইয়া শকটারোহণে  
রাজধানী অভিমুখে যাত্রা করিলেন।  
শকটে আসিতে আসিতে বহু কথা।  
প্রথম কথা, দুটী সোণারচাঁদ পুত্রের।  
রাজারও সে কথা বলিতে বুক কাঁপিতে  
লাগিল ; কিন্তু না বলিলেও নয়। সুমতি  
ছাড়িবে কেন ? কি করেন, অর্ধশুট-  
ভাষায় আকার-ইঙ্গিতে বলিলেন। সুমতি  
আছাড় খাইয়া পড়িলেন। হায় রে ! জন-

নীর প্রাণ পুত্রের জন্ম যে কত কাতর,  
তা এক পুত্রবতী জননী আর ভগবানই  
জানেন ; অথো তাহার ভাব কি বুঝবে ?  
রাজা অনেক সাঙ্ঘনা দিলেন । কিন্তু  
সে সাঙ্ঘনা খরশ্রোতে বালির বাঁধ হইল,  
বরং হৃদয়াবেগ বৃদ্ধি প্রাপ্ত হইল । উভয়ে  
কাঁদিতে কাঁদিতে রাজাস্তম্ভপুৰে প্রবেশ  
করিলেন ।

শোকে তাপে কয়েকদিন কাটিয়া  
গেল । স্মৃতির স্নানাহার নাই ; কুসুম-  
কোমলা নিশ্চলহাসিনী দেবীপ্রতিমা দিন  
দিন যেন মলিন হইতে লাগিলেন ।  
রাজারও তাই । তবে হৃদয়ে অটল  
বিশ্বাস যে, মঙ্গলময় হরি, তিনি কখন  
জীবের অমঙ্গলের বিধান করেন না ।  
তাই সেই বিশ্বাসে তাঁহার একভাবে দিন  
কাটিতেছে । রাজা, স্মৃতির শোকাপনোদ-  
নের স্তম্ভ অনেক যত্ন করিতেছেন ।

কিন্তু হায় ! পুত্রবতীর হৃদয় পুত্রবিহনে  
 কি যে হয়, তাহা অপরে কিরূপে বুঝিবে ?  
 সুমতির চোখের জলের বিরাম নাই ;  
 বর্ষার নদী দিনরাত্রি সমানভাবে বহি-  
 তেছে । মলিন বেশ, রুম্ম কেশ, আপ-  
 নার শরীরে কোন মমতা নাই । ঠিক  
 যেন পাগলিনী ! এইরূপে অনেক দিন  
 কাটিল । রাজা কিছুতেই সুমতিকে  
 বুঝাইতে পারিতেছেন না । হায় ! পুত্র-  
 হীনাকে বুঝাইবার কি আছে ?

রাজা একদিন সুমতিকে বলিলেন ;—

“দেখ প্রিয়ে ! আর কাতর হইও না ।

এ জন্মের মত পুত্রের মুখ ভুলিয়া যাও ।”

সুমতির বুকে শেল বাজিতে লাগিল ।

রাজা পুনর্বার বলিতে লাগিলেন ;—

“দেখ প্রিয়তমে ! আর কেন পুত্রের

মায়ায় আপনাদের কর্তৃবাক্য ভুলিয়া

থাকি ?”

পতিপ্রাণা সাধবী বলিলেন ;—

“নাথ ! এখন আমাদের কর্তব্যকর্ম  
কি ?”

রাজা বলিলেন ;—

“অনেক । তাহার মধ্যে উপস্থিত তুমি  
পুত্রশোকাতুরা । সেইজন্য মনে করি-  
তেছি যে, রাজ্যের অনাথ বালকগুলিকে  
রাজধানীতে আনাহঁয়া, তাহাদের রক্ষণা-  
বেক্ষণ ও অধ্যয়ন ভার গ্রহণ করি । তুমি  
মাতার স্থায় তাহাদের সেবাশ্রম কর ।  
তাহা হইলে তোমার উপস্থিত শোকের  
অনেক উপশম হইবে ও আমাদের অর্থের  
অনেক সংকার ঘটবে । তাহাতে  
সুমতি আর দ্বিকুক্তি করিলেন না,  
আনন্দে সহানুভূতি প্রদান করিলেন ।

রাজা তৎসম্বন্ধে ঘোষণাপত্র প্রচার  
করিলেন । অল্পদিনের মধ্যে রাজ্যের  
অনাথবালকমণ্ডলী রাজবাটীতে সমবেত

হইল । রাজা ছাত্রনিবাস প্রস্তুত করাই-  
লেন । তন্মধ্যে বালকগণ রাজপুত্রের  
শ্রায় প্রতিপালিত হইতে লাগিল । দয়া-  
বতী সুমতি স্বয়ং বালকগণের সেবা-  
শ্রমের ভার গ্রহণ করিলেন । তিনি  
প্রতিদিন তিন চারিবার করিয়া ছাত্রা-  
বাসে গমন করিতেন । বালকগণের  
মধ্যে কে কি আহার করিল, কে কি  
শিক্ষালাভ করিল, কাহার কোন বিষয়ে  
অভাব রহিল, ইত্যাদি বিষয় পূজানুপূজা-  
রূপে দেখিতেন । একদিন দেবী সুমতি  
বালকগণকে দেখিয়া ফিরিয়া যাইতেছেন,  
এমন সময় ছাত্রাবাসের একটা প্রকোষ্ঠে  
দুইটি অস্পষ্ট বালককণ্ঠধ্বনি শুনিতে  
পাইলেন । তিনি আর প্রকোষ্ঠমধ্যে  
প্রবেশ না করিয়া, অদূর অন্তরাল হইতে  
বালক দুইটির কথপোকথন শুনিতে লাগি-  
লেন ।

একটি বালক অন্য বালকটিকে বলি-  
তেছে ;—“এ দেশের রাজার মত আর  
রাজা নাই। অন্য বালকটি বলিল ;—  
“কেন ?”

প্রথমটি বলিল ;—

কেন. জিজ্ঞাসা করিতেছ ? রাজার  
কার্যকলাপ দেখিয়া বুঝিতেছ না ? বল  
দেখি, কোন্ দেশের রাজা এইরূপ স্বার্থ-  
ত্যাগ করিয়া, এইরূপভাবে রাজ্যের যাব-  
তীয় অনাথ বালকগণকে প্রতিপালন  
করে ? কোন্ দেশের রাণী আপনার  
অভিমান বিসর্জন দিয়া নিজপুত্রের গায়  
আমাদিগকে স্নেহ করিতে পারে ?

তখন অপরটি দীর্ঘনিশ্বাস ফেলিয়া বলিল,  
“তুমি এমন কথা বলিও না যে, এরূপ  
স্বার্থত্যাগী রাজা আর নাই। ভাই ! তুমি  
হয় ত উপহাস করিবে, কিন্তু তাহাতে ক্ষতি  
নাই। কারণ, আমি যাহা বলিব, তাহা

সম্পূর্ণ সত্য। আমিও এক রাজার ছেলে ছিলাম। আমার পিতা একজন মহামাণ্ড রাজা ছিলেন। তুমি এ দেশের রাজার স্বার্থত্যাগ দেখিয়া আশ্চর্য্য হইয়াছ ; কিন্তু আমার পিতার স্বার্থত্যাগের কথা শোন। আমার পিতা এক সন্ন্যাসীর মনস্তষ্টির জ্ঞা, তাঁহাকে রাজ্য দান করিয়া, আমার মাতার সহিত আমাকে ও আমার কনিষ্ঠ ভ্রাতাকে লইয়া, ভিক্ষুকবেশে রাজধানী ত্যাগ করেন। পথিমধ্যে এক ধূর্ত বণিক ভাণ করিয়া, আমার মাতার সাহায্যপ্রার্থনা করিলে, আমার পিতা তাহাতে কিছুমাত্র সঙ্কুচিত না হইয়া, আমার মাতাকে প্রদান করিলেন। শুনিতেছ ? আমার পিতার হৃদয় কিরূপ !

পুনর্বার প্রথমটি বলিল ;—

“তাহার পর কি হইল ?”

অপরটি বলিতে লাগিল ;—

বণিক আমার মাতাকে শীঘ্র পাঠাইয়া দিবেন বলিয়া লইয়া গেলেন ; কিন্তু শেষে আর তাহা হইল না। পিতা অনেকক্ষণ অপেক্ষা করিয়া, পরে মাতার অশ্রুসন্ধান করিতে লাগিলেন ; কিন্তু কিছুতেই সন্ধান পাইলেন না। শেষে কি করেন, তিনি আমাদের দুই ভ্রাতাকে লইয়া বনভূমি অতিক্রমকরতঃ একটি নদীর তীরে আসিয়া উপস্থিত হইলেন। নদীটার খুব প্রবল স্রোত ছিল। পিতা একটু ভাবিত হইলেন। পরে নদীতে অতি অল্পজল বিবেচনা করিয়া, তিনি আমাকে নদী-কিনারায় বসাইয়া, আমার ছোট ভাইটিকে স্বন্ধে করিয়া নদী পার হইতে লাগিলেন। আমি তীরে বসিয়া রহিলাম। পিতা নদী-গর্ভাঙ্ক অতিক্রম করিয়াছেন, এমন সময় একটা বৃহৎকার ব্যাঘ্র আসিয়া আমার ধরিল। আমি ভয়ে চীৎকার করিয়া



উঠিলাম। পিতা যেমন আমার ক্রন্দনে চমকিয়া “হায় কি হইল” বলিয়া চীৎকার করিয়া উঠিলেন, অমনি তাঁহার স্কন্ধ হইতে আমার ছোটভাইটি নদীশ্রোতে পড়িয়া ভাসিয়া গেল।

অপরটির এই কথাগুলি শেষ হইতে না হইতেই, প্রথমটি কাতরভাবে চীৎকার করিয়া অপরটিকে জড়াইয়া ধরিয়া বলিল ;—

দাদা ! দাদা ! তুমি এখানে ?

চক্ষের জলে বুক ভাসিয়া গেল। বালক গদগদকণ্ঠে পুনর্বার বলিল।—

দাদা ! আমিই যে তোমার সেই ছোট ভাই। জলে ভাসিয়া গিয়াছিলাম, ধীবরে আমার প্রাণরক্ষা করিয়াছে। দাদা ! তুমি কিরূপে বাঘের মুখ হইতে বাঁচিলে ?

“এক বাঘ আমার জীবনরক্ষা করিয়াছে।” বালক এই কথা বলিয়াই পুনর্বার

চীৎকার করিয়া উঠিল। অপরটিও সেই-  
ভাবে প্রথমটির গলা ধরিয়া “ভাই ভাই”  
বলিয়া কাঁদিয়া ফেলিল।

সে দৃশ্য অতি মধুর! হারানিধি যে  
পাইয়াছে, সেই জানে ইহার আশ্বাদ  
কত মধুর!

স্নেহপ্রবণা স্মৃতি, এতক্ষণ নীরবে সকল  
কথা শুনিতেছিলেন, কিন্তু আর থাকিতে  
পারিলেন না। তাঁহার স্নেহপারাবার  
একেবারে উথলিয়া উঠিল। পাগলিনীর  
হ্রাস উদ্ভ্রাস্তভাবে বিদ্যুৎবেগে গৃহমধ্যে  
প্রবেশ করিয়া চীৎকার করিয়া উঠিলেন,  
—“বাগ্ রে, আমার, তোরা এখানে?  
আমি হতভাগিনী মণিহারা ফণিনীর মত  
দিবারাত্রি হাহাকার করিয়া মরিতেছি।”  
এই বলিয়া রাজ্ঞী কুমারযুগলকে ক্রোড়ে  
ডুলিয়া, বার বার মুখচুম্বন করিলেন,  
এবং কাঁদিতে কাঁদিতে কহিলেন;—

বাপ্ রে, আমি তোদের সেই অভাগিনী জননী, আর এই দেশের মহারাজই তোদের পিতা।

বালক দুইটি ও রাজ্ঞীকে জড়াইয়া ধরিয়া “মা মা” বলিয়া ফুকরিয়া ফুকরিয়া কাঁদিতে লাগিল। অবিলম্বে সমস্ত ঘটনাই মহারাজের কর্ণগোচর হইল। তিনি শীঘ্র চরদারা বালকদ্বয়ের অভিভাবক বাধ ও ধীবরকে আনয়ন করিয়া, তাহারা কিরূপে বালকদ্বয়কে পাইয়াছিল, তদ্বিবরণ অবগত হইলেন। অনন্তর উক্ত বালকদ্বয়ই যে তাঁহার ঔরসজাত সেই কুমারদ্বয়, তাহাতে আর অণুমাত্র সন্দেহ রহিল না। নিখিলবস্তুর সংযোগবিয়োগকারী বিশ্বপতির অনন্তকৌশলে, রাজ্যচ্যুত পুত্রপত্নীবিয়োগী মহারাজ ভুবনেশ্বর, নূতন রাজ্যের অধীশ্বর হইয়া আজ আবার স্ত্রীপুত্রের সম্মিলনস্থখে পরম সুখী হইলেন।

তখন তাঁহার সেই শান্তিরাজ্যের সীমা সমগ্র স্বর্গরাজ্য পর্য্যন্ত বিস্তৃত হইয়াছিল।

দেখিতে দেখিতে দ্বাদশবৎসর অতীত হইয়া গেল। একদিন রাজা মনে মনে চিন্তা করিতে লাগিলেন, “আজ দ্বাদশবৎসর গত হইল, শৈশবের ক্রীড়াভূমি, শৈশবের প্রমোদ উদ্যান, সম্পদের গৌরবস্থল—স্বর্গা-পেক্ষা গরীয়সী মাতৃভূমি চক্রধরপুরের মনোরম দৃশ্য দর্শন করি নাই। সেই অমরবাহিত ধাম একবার দেখিতে ইচ্ছা হয়।” মহারাজ এইরূপ চিন্তা করিয়া, একমাসের জন্ত পার্বত্যপ্রদেশের শাসন-ভার প্রধান কর্মচারীর প্রতি দিয়া, শীঘ্রই সপরিবারে চক্রধরপুরে গমন করিলেন। রাজা যে সময় চক্রধরপুরে পঁহছিলেন, তখন চক্রধরপুরের অবস্থা শোচনীয়। যে সন্ন্যাসীকে মহারাজ ভুবনেধর, চক্রধরপুর দান করিয়া আসিয়াছিলেন, সেই সন্ন্যাসীর

রাজোচিত গুণ না থাকায় সে রাজ্যের অবস্থা অতি শোচনীয় হইয়াছিল। রাজ্যবাসীগণ সন্ন্যাসীর কার্যে রাজদ্রোহী হইয়া তাঁহার বিনাশসাধনে কৃতসংকল্প হইয়াছিল। সন্ন্যাসীও প্রাণ লইয়া পলায়নের চেষ্টায় ছিলেন।

এইরূপ পূর্ণ অশান্তির সময় ভুবনেশ্বর, মাতৃভূমিতে আসিয়া উপস্থিত হইলেন। তাঁহার আগমনবার্তা শুনিয়া, রাজ্যবাসী সকলেই তাঁহার নিকট আসিল এবং সন্ন্যাসীর অমানুষিক অত্যাচারের কথা নিবেদন করিতে লাগিল। উত্যক্ত সন্ন্যাসীও রাজার আগমন-সংবাদ শুনিয়া ছুটিয়া আসিলেন এবং ব্যস্তভাবে বলিলেন ;—

মহারাজ ! আশীর্বাদ করি, দীর্ঘজীবী হউন। এক্ষণে আমার একটা অনুরোধ রক্ষা করুন। আমি অতিশয় বিপন্ন।

আমার রাজ্যভাগের আকাঙ্ক্ষা  
 রাখে। এ রত্নসিংহাসনাপেক্ষা শুষ্ক পত্র-  
 বিহীন তরুতলও অনেক শান্তির আরাম-  
 ভূমি। আপনার রাজ্য আপনি গ্রহণ  
 করুন।

রাজা অনেক আপত্তি করিলেন,  
 সরাসরী কিছুতেই শুনিলেন না; “আমার  
 রাজ্য আমি আপনাকে দান করিলাম,”  
 বলিয়া তড়িৎবেগে তথা হইতে প্রস্থান  
 করিলেন।

তখন ধর্মপ্রাণ রাজা ইহাই মনে মনে  
 স্থির করিয়া লইলেন যে, মঙ্গলময় হরি  
 আমাকে একটি নূতন রাজ্য দান করি-  
 বার জগুই এত খেলা খেলিলেন।



## সাজ ও কাজ ।

পুরা কালে শিখাবতীনগরে রামদেব নামে জনৈক নরপতি ছিলেন । তাঁহার ঞ্চায় ধাৰ্ম্মিক, সত্যনিষ্ঠ, ঞ্চায়পরায়ণ ভূপতি তাঁহার পূৰ্বে কেহই শিখাবতীর অমর-বাহিত সিংহাসনে আরোহণ করেন নাই । মহারাজ রামদেব দয়াদাক্ষিণ্য, স্বদেশ-হিতৈষিতা প্রভৃতি নানাবিধ সদগুণে বিভূষিত ছিলেন । যে যাহা বাসনা করিয়া আসিত, মহারাজ রামদেব তাহার সে বাসনা পূর্ণ করিতেন । তাঁহার শাসন-সময়ে শিখাবতীতে কখন দুৰ্ভিক্ষ হয় নাই । প্রজালোক মনের আনন্দে সুশাসিত অতঙ্কর রাজ্যে স্ত্রীপুত্রপরিবারবর্গের সহিত সুখে কালাতিপাত করিত । সকলেই কায়মনোবাক্যে ভগবানের নিকট রাজার দীর্ঘজীবন কাগনা করিত । একদা

মহারাজ রামদেব রাজকাৰ্য্য শেষ করিয়া,  
 মন্ত্ৰীগণের সহিত কথপোকথন করিতে-  
 ছেন, এমন সময় দৌবারিক আসিয়া  
 সংবাদ দিল, “মহারাজ ! জনৈক বহুরূপী  
 ভিক্ষার্থী হইয়া, দ্বারে সমাগত হইয়াছে ।”  
 রাজা বলিলেন, “তাহাকে আসিতে দাও ।”  
 দৌবারিক চলিয়া গেল ; কিয়ৎক্ষণ পরে  
 বিষ্ণুরূপধারী বহুরূপী রাজসভায় উপস্থিত  
 হইলে, সকলেই সোৎসুকনেত্রে তাহাকে  
 নিরীক্ষণ করিতে লাগিল । মহারাজ রাম-  
 দেব বিস্মৃত হইলেন ; তিনি বহুরূপীকে  
 উপাশ্রুদেবের রূপ ধারণ করিয়া আসিতে  
 দেখিয়া, পরম পরিতোষ লাভ করিলেন,  
 এবং তাহার সাজসজ্জা দেখিয়া বলিলেন,  
 “শঙ্খচক্রগদাপদ্মধারী বিষ্ণু, চতুর্ভুজ । এ  
 ব্যক্তি মানব, ইহার দুইটি হস্ত প্রকৃতিদত্ত ;  
 অবশিষ্ট কৃত্রিম হস্তদুইটি একরূপভাবে সংযো-  
 জিত হইয়াছে যে, সকল হস্তগুলিই যেন



একই দেহ হইতে নির্গত হইয়াছে, যুক্তকর বলিয়া কোনরূপেই স্থির করা যায় না। ইহার সাজসজ্জা প্রসংশনীয়।” সভাসদগণ সকলেই মহারাজের বাক্যের অনুমোদন করিলেন। মহারাজ কোষাধ্যক্ষকে ডাকিয়া বলিলেন,—“কোষাধ্যক্ষ! আমি এই বহুরূপীর কার্যে বিশেষ সন্তোষলাভ করিয়াছি, হইাকে একটা স্ত্রবর্ণমুদ্রা প্রদান কর।” কোষাধ্যক্ষ অচিরে রাজাস্ত্রা পালন করিলে, বহুরূপী মনের আনন্দে গৃহাভিমুখে প্রস্থান করিল। ইহার পর হইতেই ঐ বহুরূপী কখন শিব, কখন ভূর্গা, কখন কালী ইত্যাদি বিভিন্নরূপে মহারাজের নিকট উপস্থিত হইত, মহারাজও প্রত্যেক বার এক একটা স্ত্রবর্ণমুদ্রাদানে তাহাকে বিদায় করিতেন। পরিশেষে একদিন বহুরূপী ইন্দুরূপ ধরিয়া শিখাবতীখরের সম্মুখে উপস্থিত হইল। তিনি সে দিন

তাহার গুণের প্রশংসা করিয়া, একটা সুবর্ণ-মুদ্রা প্রদান করিয়া রহস্য করিয়া বলিলেন—“বহুরূপি ! তুমি ত সময়ে সময়ে নানা প্রকার দেবদেবীর মূর্তি ধরিয়া আমার নিকট আগমন কর, আমিও তোমাকে যৎসামান্য পুরস্কার প্রদান করিয়া থাকি ; ইহাতে তোমার দারিদ্র্যচ্যুতা দূর হইবার সম্ভাবনা নাই। অতঃপর তুমি যখন এখানে আমার নিকট প্রার্থী হইয়া আসিবে, তখন যদি এরূপ কোন রূপ ধারণ করিয়া আসিতে পার, যাহাতে আমি তোমাকে সেই বহুরূপী বলিয়া চিনিতে বা জানিতে না পারি, তাহা হইলে আমি তোমাকে এমন পুরস্কার প্রদান করিব, যাহাতে তোমার পুত্রপৌত্রাদিরও অনবস্থের কেশ উপস্থিত হইবে না।” বহুরূপী করযোড়ে ‘বাহুভাঙ্গা শিরোধারী’ বলিয়া রাজাকে প্রণাম করিয়া গৃহাভিমুখে প্রস্থান করিল।

মানব মন চিন্তার আকর। প্রতিদিন মনোমধ্যে কত প্রকার ভাবনা তরঙ্গাকারে একটার পর একটা আঘাত করিয়া চলিয়া যাইতেছে। প্রবল ঝটিকায় যেমন সাগরবারি বিক্ষোভিত হইয়া, তীরভূমি ভঙ্গকরতঃ ধাবিত হয়, মানবেরও মনে সেই প্রকার প্রবল চিন্তা উপস্থিত হইয়া, স্বাস্থ্যসুখস্বচ্ছন্দতা নষ্ট করিয়া, মানুষকে বিভিন্ন পথে ণ্ডু পথিক করিয়া লইয়া যায়। এই মন্দস্বভাবা চিন্তা গৃহীকে যোগী, যোগীকে গৃহী, বন্ধ্যাকে পুত্রবতী, পুত্রবতীকে বন্ধ্যা, ধনীকে নিধন, নিধনকে ধনী, সচরিত্রকে অসচরিত্র, অসচরিত্রকে সচরিত্র, নরকে কীটকে স্বর্গের দেবতা, স্বর্গের দেবতাকে নরকঃ কীট করিয়া, আপনার সর্বজনীন আধিপত্য বিস্তার করে। এই রাক্ষসীর হস্তে কাহারও নিস্তার নাই

আজি ভিক্ষান্নভোজী ভিক্ষুক বহুরূপীও এই মায়াবিনীর প্রবল অধিকারে পদার্পণ করিল। কি উপায়ে রাজা তাহাকে চিনিত্তে না পারে, এই চিন্তাই তাহার মনোমধ্যে প্রবল হইল। সংসারে যিনি যে বিষয় অধিক চিন্তা করেন, কায়মনোবাক্যে চেষ্টা করিলে, প্রায়ই তিনি সে বিষয়ে কৃতকার্য হইয়া থাকেন। বহুরূপীসম্বন্ধে এই সাধারণ নিয়মের অশ্রুতা হইল না। অবিলম্বে উপায় উদ্ভাবিত হইল। বহুরূপী তাহার পরিবারবর্গকে সম্বোধন করিয়া বলিল,—“দেখ, কোন কার্যবিশেষে আমাকে স্থানান্তরে যাইতে হইবে, আমি তথায় দুইবৎসর কাল থাকিব। তোমরা আমার জন্ত কোন চিন্তা করিবে না। ভিক্ষালব্ধবাসামগ্রী এবং অর্থাদি যাহা রাখিয়া যাইতেছি, ইহাতে তোমাদের দুইবৎসরকাল অনায়াসে ভরণপোষণ

চলিতে পারিবে।” বহুরূপী এইরূপে পরিবারবর্গকে সাঙ্ঘনা দিয়া, গৃহ হইতে বহির্গত হইল। বহুরূপী কোথায় গেল, কি কার্য্যে গেল, তাহা কেহই জানিল না। কতকদূর গমন করিয়া বহুরূপী গ্রাম্যপথ পরিত্যাগ করিল। একটা পথ গ্রামের প্রান্তভাগ হইতে কাননাভিমুখে গমন করিয়াছে, বহুরূপী সেই পথ ধরিয়া চলিল। সে গমনের আর বিরাম নাই। অবিপ্রান্তগতিতে চলিল। কয়েকদিন এইরূপে গমন করিয়া পার্বত্য বনভূমি দেখিতে পাইল। সেই গহনঅরণ্যে মনুষ্যের আদৌ সমাগম নাই। দূরে কাননের মধ্যভাগ হইতে সিংহ, ব্যাঘ্র, ভল্লুকাদি হিংস্র জন্তুগণের ভীষণ ভৈরব শব্দ শ্রুতিগোচর হইতেছে। নানাজাতীয় বিহঙ্গম, তরু-শাখা আশ্রয় করিয়া, মনের আনন্দে গান

করিতেছে। শাল, তাল, পনস, আম্র  
 প্রভৃতি বৃক্ষ সকল দেহ উন্নত করিয়া,  
 পত্রদ্বারা শূণ্যমার্গ সমাচ্ছন্ন করিয়া রহি-  
 য়াছে। কোথায় বা স্তম্ভিকায় লতিকা  
 বৃহৎ বৃহৎ বৃক্ষ সকলকে আলিঙ্গন করিয়া,  
 পুষ্পমুকুলে হৃদয়ের প্রীতি প্রদর্শন করি-  
 তেছে। পার্শ্বতীর নির্ঝর হইতে নির্মল  
 জলধারা রজতধারার গ্রাম তরতরবেগে  
 নিম্নপ্রদেশাভিমুখে ফণীক্ৰগতিতে প্রধা-  
 বিত হইতেছে; এই সকল মনোরম দৃশ্য  
 দর্শন করিয়া, বহুরূপী বড়ই আনন্দিত  
 হইল। সংসারকারার হুঃখ, স্ত্রীপুত্র-  
 পরিবারবর্গের চিন্তা, তাহার মন হইতে  
 দূরীভূত হইল। বহুরূপী মনের আনন্দে  
 একটি পর্বতকন্দরে আশ্রয় লইয়া বাস  
 করিতে লাগিল। বনভূমির স্বভাবজাত  
 সুপক ফলমূল, নির্ঝরের নির্মল বারি  
 তাহার খাদ্য হইল। এইরূপে এক বৎসর

গত হইলে, বহুরূপীর শরীরেরও পরিবর্তন ঘটিল। মস্তকের খেত ক্ষুদ্র কেশ পৃষ্ঠদেশে পর্য্যাপ্ত লম্বিত হইল। তৈলাভাবে শুভ্র কেশদাম জড়িত হইয়া, জটায় পরিণত হইল। পরিশ্রমে কুঞ্চিত ললাট এখন বিস্তৃত বোধ হইতে লাগিল। নীহার-শুভ্র শ্মশ্রু বক্ষদেশে চুষন করিল। দেহের শ্রামবর্ণ, গৌরকান্তিতে পরিণত হইল। সংসারী বহুরূপী আজ যোগী সাজিল। তাহাকে দেখিয়া পরম তাপস ভিন্ন আর কিছুই বোধ হইল না। তাহার প্রশান্ত মুখশ্রী, অচঞ্চল নয়ন, সুচিরাভাস্ত গান্তীর্ঘ্য, যত্নলব্ধ মূহূবচন, তাহার সন্ন্যাসীবেশের অতীব উপযুক্ত হইল। ক্রমে আরও এক বৎসর গত হইলে, বহুরূপী পর্বতকন্দর হইতে বহির্গত হইয়া, শিখাবতীর পথে গমন করিতে লাগিল। বহুরূপীর বেশ ধারণ করিয়া, বহুরূপী যতবার

এই পথে গমন করিয়াছে, ততবারই পশ্চাৎ পশ্চাৎ কত বালকবালিকা করতালি দিয়া “হো হো” করিয়া, তাহার সহিত ধাবিত হইয়াছে। কিন্তু আজ আর সেরূপ নাই; আজ আবালবৃদ্ধবনিতা সকলেই সংস্রমে পথ ছাড়িয়া দিতেছে। সকলেই দূরে দাঁড়াইয়া, স্থিরচিত্তে সন্ন্যাসীর অপূৰ্ণমূর্তি নিরীক্ষণ করিতেছে। তাপস কিছুদিন পরে শিখাবতীর রাজপ্রাসাদের নিকবর্তী হইলেন। তথায় একটি বিস্তৃত সুরম্য উদ্যানের মধ্যে একটি নিশ্চলতোয়া দীর্ঘিকার তীরে বটবৃক্ষমূলে দীপিচর্শ্ব বিস্তার করিয়া, তদুপরি উপবেশন করিলেন।

ক্রমশঃ সন্ন্যাসীর সংবাদ হাটে, ঘাটে, বাজারে চারিদিকেই হইতে লাগিল। দলে দলে লোক জুটিয়া, সন্ন্যাসীকে দেখিতে আসিল। কত খাণ্ড আনিয়া সন্ন্যাসীর



পদতলে লুপ্তিত করিল, কিন্তু সন্ন্যাসী  
 কাহারও সহিত কথা কহিলেন না বা  
 কাহারও কোন এক স্পর্শ করিলেন না।  
 সকলেই সন্ন্যাসীর প্রশান্তমূর্ত্তি ও তাগ-  
 স্বীকারে আশ্চর্যান্বিত হইয়া, স্ব স্ব গৃহে  
 গমন করিল। সকলেই মনে করিল,  
 এমন সন্ন্যাসী আর কখন শিখাবতী  
 নগরে আগমন করেন নাই। ক্রমশঃ  
 লোকপরম্পরায় এই সন্ন্যাসীর রূপ-  
 লাবণ্য, গুণ ও স্বার্থত্যাগের কথা রাজার  
 কাণে উঠিল। তিনি সন্ন্যাসীর পরীক্ষার  
 জন্য, একটি থাল স্তব্ধমুদ্রায় পূর্ণ করিয়া,  
 অতি নির্জন সময়ে সন্ন্যাসীর সহিত  
 সাক্ষাৎ করিলেন এবং সাক্ষাৎে প্রণিপাত  
 করিয়া সন্ন্যাসীর প্রতি অতি সম্মান প্রদ-  
 র্শন করিলেন। তাহার পর স্তব্ধ মুদ্রা-  
 পূর্ণ থালাটা লইয়া তাপসের সম্মুখে  
 স্থাপন করতঃ, বিনয়বচনে কহিলেন—

“প্রভো ! এ অধম এই দেশের অধীশ্বর ; আপনার চরণদর্শনার্থ এই স্থানে আসিয়াছি ।” তাপস, রাজবাক্যের কোন প্রত্যুত্তর দান করিলেন না ; বরং প্রশান্তভাবে সম্মেহনয়নে রাজার আপাদমস্তক নিরীক্ষণ করিলেন । তাহার পর সুবর্ণমুদ্রাপূর্ণ খালাতী হস্তে লইয়া সবেগে নিকটস্থ সুগভীর কূপে নিক্ষেপ করিলেন । রাজা রামদেব, সন্ন্যাসীর এই কার্য দেখিয়া, একেবারে মনে মনে যারপরনাই আপন বুদ্ধিতে দোষারোপ করিতে লাগিলেন । অনন্তর রাজা বিনীতবচনে কহিলেন ;—

“প্রভো ! এ অধীনের অপরাধ গ্রহণ করিবেন না । আমি আপনার প্রতি অতিশয় দুর্ব্যবহার করিয়াছি ; কৃপা করিয়া ক্ষমা করুন ।” সন্ন্যাসী ঈষৎ হাসিলেন ; কিন্তু রাজার সহিত কোন কথা কহিলেন না । রাজা কিয়ৎক্ষণ অপেক্ষা

করিয়া সন্ন্যাসীকে প্রণামকরতঃ দীর্ঘ-  
 নিশ্বাস পরিত্যাগ করিয়া, রাজপ্রাসাদাভি-  
 মুখে গমন করিলেন। রাজার মনো-  
 কষ্টের আর অবধি রহিল না। পর-  
 দিন যথাসময়ে রাজা সিংহাসনে আরো-  
 হণ করিয়া বিচার করিতেছেন, এমন  
 সময়ে প্রতিহারা আসিয়া সংবাদ দিল,  
 মহারাজ দিবালাবণাপরিশোভিত জনৈক  
 পুরুষ আপনার সহিত সাক্ষাৎ করিতে  
 আসিয়াছেন। রাজা বলিলেন, -“আসিতে  
 বল।” অবিলম্বে আগন্তুক রাজার সন্মুখে  
 আসিয়া প্রণাম করিলেন। রাজা, আগ-  
 মনের কারণ জিজ্ঞাসা করিলে, অভ্যাগত  
 কহিল, -“মহারাজ ! আপনার পূর্ব প্রতি-  
 শ্রুতবাক্য রক্ষা করিয়া, দরিদ্রের প্রতি কৃপা  
 প্রকাশ করুন।” রাজা অধিকতর বিস্ম-  
 যের সহিত কহিলেন, -“আমার পূর্ব প্রতি-  
 শ্রুত বাক্য ? তুমি কি বলিতেছ ? ভাল

করিয়া বুঝাইয়া বল ।” অভ্যাগত ব্যক্তি বলিল,—“মহারাজ ! আমি সেই বহুরূপী । দুই বৎসর পূর্বে নানা দেবদেবীমূর্তি ধরিয়া, আপনার নিকট উপস্থিত হইতাম ; আপনিও আমার সাজসজ্জার প্রশংসা করিয়া, প্রতিদিন এক একটা সুবর্ণমুদ্রা দানে আমাকে বিদায় করিতেন । শেষে একদিন ইন্দুরূপ ধারণ করিয়া আপনার নিকট সমাগত হইলে, আপনি রহস্যচ্ছলে বলিয়াছিলেন, বহুরূপী ! তুমি প্রায়ই নানা দেবদেবীর মূর্তি ধারণ করিয়া আমার নিকট আগমন কর, আমিও তোমাকে যৎসামান্য পুরস্কার দিয়া বিদায় করি ; কিন্তু তাহাতে তোমার দুঃখ ঘুচিবে না । যদি তুমি এমন কোন সাজে সজ্জিত হইতে পার, যাহাতে আমি তোমাকে, তুমি যে সেই বহুরূপী, ইহা কোন মতে চিনিতে বা জানিতে না পারি, তাহা

হইলে তোমাকে এমন পুরস্কার প্রদান করিব, যাহাতে তোমার পুত্রপৌত্রাদিও অন্নবস্ত্রের ক্লেশ পাইবে না। মহারাজ ! আমি আপনার কথামত তাহাই করিয়াছি। দেখুন, এখনও আপনি আমাকে চিনিতে পারিতেছেন না। মহারাজ ! আমি দুই বৎসর পূর্বের সেই বহুরূপী, যাহাকে আপনি গত কল্য মহাসম্ভ্রময় সন্ন্যাসীভ্রমে স্বহস্তে থালাপূর্ণ স্বর্ণমুদ্রা দিয়াও সন্ভুষ্ট করিতে পারেন নাই। এক কথা বলিলে, মহারাজের বিশ্বাস হইবে, আমিই মহারাজপ্রদত্ত থালাপূরিত স্বর্ণমুদ্রা কূপমধ্যে নিক্ষেপ করিয়াছিলাম। এখন লক্ষ্য করিয়া দেখুন, আমি সেই সন্ন্যাসী কি না, এবং দুইবৎসর পূর্বের বহুরূপী কি না ? মহারাজ চলিয়া আসিলে, আমি ক্ষৌরকার্য শেষ করিয়া, বাটিতে রাত্রিযাপনকরতঃ অস্থ্য প্রান্তে

আপনার প্রতিশ্রুতির বিষয় আপনাকে  
 স্বয়ং করাইবার জন্য রাজসভায় আসিয়া  
 উপস্থিত হইয়াছি। এক্ষণে দাসের  
 সমুদয় অপরাধ মার্জনা করুন।” বহু-  
 রূপে কখন এই সকল কথা বলিতেছিল,  
 কখন রাজার পর নাই বিস্মিত হইয়া,  
 কখন কখন দমস্তক নিরীক্ষণ করিতে-  
 ছিলেন। অবসরের সাদৃশ্যদর্শনে ও সুবর্ণমুদ্রা  
 প্রদানকথনে তাহার প্রতি রাজার আর  
 অবিশ্বাসের কোন হেতু রহিল না। কারণ,  
 রাজা যখন সুবর্ণমুদ্রা প্রদান করিয়াছিলেন;  
 তখন অতি নিজ্জন। একমাত্র সন্ন্যাসী ভিন্ন  
 অন্য কেহই তথায় ছিল না; সুতরাং রাজা  
 কখন কখন বলিলেন, “বহুরূপি! যদি  
 তুমি এই সেই তাপস সাজিয়াছিলে, তাহা  
 হইলে সুবর্ণমুদ্রার খালাটি কুপে নিক্ষেপ  
 করিলে কেন? তুমি ত সেইগুলি গ্রহণ  
 করিলেই তোমার বংশপরম্পরায় সুখে

স্বচ্ছন্দে কালাতিপাত করিতে পারিতে ।”  
 বহুরূপী বলিল, “মহারাজ ! যেমন সাজে  
 সজ্জিত হইতে হয়, কাষাও তদনুযায়ী  
 করা আবশ্যিক ; নতুবা লোকের বিশ্বাস  
 জন্মিবে কেন ? মহারাজ ! যদি আমি  
 সেই সুবর্ণমুদ্রাগুলি গ্রহণ করিতাম, তাহা  
 হইলে কি আপনি তাদৃশ অনুতপ্ত হইয়া,  
 ফলমূল্যহারী সন্ন্যাসীর চরণতলে প্রণত  
 হইতেন ? নরেন্দ্র ! আপনি সিংহাসনে  
 আরোহণ করিয়া যদি রাজোচিত গাভী-  
 র্ণের সহিত সুবিচার না করিতেন, তাহা  
 হইলে কি অনায়াসেই দুলা এই শিবস্বর্গী  
 নগরীর প্রজাকুল আপনার এত বণীভূত  
 থাকিত ? মহারাজ ! এই ধরা তলে যিনি  
 যখন যে ভাবে সাজ হন, যদি তিনি  
 সেই সজ্জার অনুযায়ী কাজ না করেন,  
 তাহা হইলে তাঁহাকে সকলের নিকট  
 ঘৃণিত হইতে হয় । রাজন্ ! সেই জন্তই

এই নরাধম আপনার প্রদত্ত সুবর্ণমুদ্রাগুলি  
 কুপে নিক্ষেপ করিয়াছে। রাজা রামদেব,  
 বহুরূপীর স্পষ্ট কথায় তুষ্ট হইয়া, তৎক্ষণাৎ  
 তাহাকে বার্ষিক তিন সহস্রমুদ্রা আয়ের এক  
 খানি গ্রাম নিষ্কররূপে প্রদান করিলেন।  
 বহুরূপী আনন্দে রাজভক্তিপ্রদর্শনপূর্বক  
 স্বগৃহে প্রস্থান করিল। রাজা মনে মনে  
 কহিলেন, সাজ ও কাজের পুরস্কার আমার  
 রাজ্য অপেক্ষাও মূল্যবান্।

### মোহনিরসন ।

ইতিহাসপ্রসিদ্ধ মুর্শিদাবাদে যখন নবাব  
 নিজামউদ্দৌলা অবস্থিতি করিতেছিলেন,  
 তখন পূতসলিলা জাহ্নবীর পরপারে  
 মুর্শিদাবাদের ঠিক বিপরীতদিকে একটা  
 ক্ষুদ্র স্থান বনজঙ্গলে পূর্ণ ছিল। তথায়  
 এক পরমধাঙ্গিক স্বধর্মনিরত নিষ্ঠাবান্



দরিদ্র ব্রাহ্মণ সস্ত্রীক বাস করিতেন ।  
 ভিক্ষাবৃত্তিই সেই ব্রাহ্মণের একমাত্র  
 জীবিকা ছিল । ব্রাহ্মণ প্রতিদিন শয্যা  
 হইতে গাত্ৰোত্থান করিয়া, প্রাণ ভরিয়া  
 ভগবানের নামোচ্চারণপূর্বক নদীর পর-  
 পারস্থিত নগরে ভিক্ষার্থ গমন করি-  
 তেন । ব্রাহ্মণের অনন্তসাধারণ পবিত্র-  
 তায় পথিক, ব্যবসায়ী ও গৃহস্থগণ যার-  
 পরনাই মুগ্ধ হইতেন ; সুতরাং নিরাশ্রয়ের  
 আশ্রয় পতিতপাবন পরমেশ্বরের রাজ্যে,  
 ব্রাহ্মণ ভিক্ষা করিয়া অবিলম্বে তণ্ডুলাধার  
 পূর্ণকরতঃ, মধ্যাহ্নের পূর্বেই নিজগৃহে  
 প্রত্যাবৃত্ত হইতেন । পতিপরায়ণা সাধবী  
 ব্রাহ্মণী, কুটীরে অরণ্যজাত শাকমূল রন্ধন  
 করিয়া, ব্রাহ্মণের আগমন প্রতীক্ষা  
 করিতেন । ব্রাহ্মণ গৃহে ফিরিয়া,  
 মধ্যাহ্নে স্নানান্তিক সমাধাপূর্বক, দিবসের  
 অবশিষ্ট সময় পক্ষীর সহিত শাস্ত্রালাপে

ও ঈশ্বরারাধনায় অতিবাহিত করিতেন ।

এইরূপে ব্রাহ্মণের তেজোময় যৌবনদশার উপসংহার হইল । ব্রাহ্মণ ধীরে ধীরে প্রৌঢ়ের শান্তিময় ক্রোড়মূলে উপনীত হইলেন । যৌবনের অসাধারণ বল, অপূৰ্ব দেহলাবণ্য, বর্ষান্ত নদীশ্রোতের স্নান ক্রমশঃ ক্ষাণ হইতে ক্ষীণতর হইতে লাগিল, কিন্তু এ পর্য্যন্ত ব্রাহ্মণের কোন সন্তানাদি হইল না ; সুতরাং ব্রাহ্মণ মনে মনে বড় ক্ষুণ্ণ হইলেন । অনতিদূরবর্তী অরাক্রমণে কিরূপে জীবনযাত্রা নির্বাহ হইবে, এই ভাবনায় ব্রাহ্মণের প্রাণ বড়ই ব্যাকুল হইয়া উঠিল । ব্রাহ্মণ, করযোড়ে ভগবানকে ডাকিতে লাগিলেন ; তাঁহার আন্তরিক অকৃত্রিম প্রার্থনা ভগবানের পাদমূলে উপনীত হইল ।

দেখিতে দেখিতে ব্রাহ্মণী গর্ভবতী হই-

লেন ; ব্রাহ্মণের আশাশূন্য হৃদয়-মরুতে  
 শান্তির পবিত্র প্রস্রবণ উচ্ছৃসিত হইল ।  
 ব্রাহ্মণ দিন গণিতে লাগিলেন । ক্রমে  
 দশমাস অতিবাহিত হইল । যথাকালে  
 ব্রাহ্মণী একটি শশধরপ্রতিম নবকুমার  
 প্রসব করিলেন । কিন্তু হায় ! দুঃখ যাহার  
 চিরসহচর, ভাগ্য যাহার বিরোধী, কৰ্মফল  
 যাহার মন্দ, তাহার আবার সুখ কোথা  
 হইতে হইবে ? দরিদ্র ব্রাহ্মণ পুত্রধন  
 লাভ করিয়াই পত্নীহারা হইলেন। ব্রাহ্ম-  
 ণের বন্ধঃস্থল অশ্রুতে ভাসিতে লাগিল ।  
 তদবস্থায় পত্নীর সংকার করিয়া ব্রাহ্মণ,  
 হতাশহৃদয়ে পুত্রকে ক্রোড়ে লইয়া ক্রন্দন  
 করিতে লাগিলেন ; সে ক্রন্দনের স্বর  
 কাহারও কর্ণগোচর হইল না,—বনস্থলীর  
 অন্তর্গর্ভে কাঁপিয়া কাঁপিয়া শূন্যে মিশিয়া  
 গেল । ব্রাহ্মণের ভিক্ষা বন্ধ হইল ।  
 অরণ্যজাত বৎসামাণ্ড ফলমূলই এখন ব্রাহ্ম-

ণের একমাত্র জীবিকা, নবজাতপুত্রের সেবাশুশ্রূষাই একমাত্র কর্তব্য, এবং মৃত-পত্নীর চিন্তাই একমাত্র আরাধনা হইল।

নিষ্ঠুর সময় কাহারও জন্তু অপেক্ষা করে না। দেখিতে দেখিতে পত্নীশোকমগ্ন ব্রাহ্মণের এক বৎসর গত হইল। ব্রাহ্মণের চিন্তাম্রোত অপেক্ষাকৃত মন্দীভূত হইল। শারদীয় পূর্ণশশধরসন্নিভ পুত্রের মুখ-কমল দেখিয়া, ব্রাহ্মণ ক্রমশঃ নব আশার রাজ্যে পদ্যুর্পণ করিতে লাগিলেন। দ্বিজ-তনয় দিন দিন গুরুপক্ষীয় চক্রেয় গ্রাম বৃদ্ধি পাইতে লাগিল। ব্রাহ্মণের হৃদয় আনন্দে পূর্ণ হইয়া গেল। ঈশ্বরপরায়ণ, পরমধার্মিক ব্রাহ্মণ একেবারে মায়ামোহের দাস হইয়া পড়িলেন।

একদিন ব্রাহ্মণ প্রাতঃকালে পুত্রের পরিচর্যা করিতে করিতে ভাবিতে লাগিলেন, “হার ! আমি কি করিতেছি ? পুত্রের

জন্ম সব হারাইলাম !” ভগবানোদ্দেশে  
 कहিলেন, “হে ভগবন্ । তোমার পবিত্র  
 নাম যে দিনের মধ্যে একবার স্মরণ করিব,  
 তাহারও যে একটু সময় পাই না ! ভীষণ  
 সংসারদাবানলে সব ভস্ম হইয়া গেল !  
 আমি জ্বালে জড়িত হইলাম ! যে হস্তযুগলে  
 পুষ্পচয়নপূর্বক তোমার পূজা করিতাম,  
 সেই হস্ত এখন পুত্রের সেবায় নিযুক্ত  
 হইয়াছে । হে নারায়ণ ! পুত্রলাভের কি  
 এই পরিণাম !” এমন সময় ব্রাহ্মণ দেখি-  
 লেন যে, তাঁহার গৃহভিত্তিতে একটা টিক্-  
 টিকি চলিয়া যাইতেছে । আবার ক্ষণ-  
 পরেই দেখিলেন, সেই টিক্‌টিকির গর্ভ-  
 নিঃসৃত একটা ডিম্ব ভূপৃষ্ঠে পতিত হইয়া  
 ভগ্ন হইয়া গেল, এবং সেই ডিম্ব হইতে  
 একটা টিক্‌টিকিশাবক বহির্গত হইয়া,  
 সম্মুখস্থ দুই একটা ক্ষুদ্রকীট ভক্ষণ-  
 পূর্বক সেস্থান হইতে প্রস্থান করিল ।

ব্রাহ্মণ অদোপাস্তু সকলই দেখি-  
লেন।

ব্রাহ্মণের মোহজাল বিচ্ছিন্ন হইল।  
পূর্ণবরাগ্য আসিয়া হৃদয়কন্দর পরিপূর্ণ  
করিল। ব্রাহ্মণ মনে মনে ভাবিতে  
লাগিলেন, “এ সংসারে কেহই কাহারও  
নয়। স্ত্রীপুত্র আত্মীয়স্বজন সকলই  
ক্ষণস্থায়ী। সময় পূর্ণ হইলে, কেহই  
কাহারও জন্তু অপেক্ষা করে না। সংসার-  
রূপ ক্রীড়াভূমিতে সকলেই খেলা করিয়া  
যাইতেছে। আমি খেলা খেলিতে  
আসিয়াছি, খেলা করিয়া যাইব; কিন্তু  
তাহার পরিণাম কি তাহা ভাবিয়াছি কি ?  
কখন ভাবিলাম, দয়াময় ভগবন্! আজ  
ত শিক্ষা পাইলাম। তবে এ শিক্ষা ভুলি  
কেন ? এই ত দেখিলাম, টিক্‌টিকিশাবক  
জন্মগ্রহণ করিল, আপনার খাণ্ড আপনি  
বাছিয়া লইল, আপনিই আত্মরক্ষা করিতে

শিখিল, কেহই ত তাহার সাহায্য করিল না, সে ত কাহারও সাহায্য প্রার্থনা করিল না ! তবে কেন আমি পুত্রের জন্ত আপনার পরিণামের কার্য্য ভুলিয়া থাকি !” ব্রাহ্মণের অকস্মাৎ মনের পরিবর্তন ঘটিল । পুত্রটীকে একটা বৃক্ষমূলে স্থাপন করিয়া, তথা হইতে বেগে প্রস্থান করিলেন । পুত্র বৃক্ষমূলে থাকিয়া ক্রন্দন করিতে লাগিল ; সেই ক্রন্দনে পশুপক্ষীকীটপতঙ্গ বিচলিত হইল, কিন্তু ব্রাহ্মণের হৃদয় টলিল না । দেখিতে দেখিতে বনস্থলীর চিরহরিৎ— অনন্তগর্ভে কোথায় বিলীন হইয়া গেলেন !

হায় ! পিতৃমাতৃবর্জিত অনাথ বালক, বৃক্ষমূলে পতিত হইয়া, উচ্চৈঃস্বরে ক্রন্দন করিতে লাগিল । হে দীনবন্ধু নিরাশ্রয়ের আশ্রয় মধুসূদন ! তুমি ভিন্ন এ বিজন-বিপিনে এ দুর্ভাগার রোদন আর কে শুনিবে ? যৎকালীন ব্রাহ্মণকুমার রোদন

করিতেছিল, সেই সময় সেই বনে যুগ-  
সার্থী মুর্শিদাবাদের নবাব নিজামউদ্দৌলা  
সসৈন্যে যাইতেছিলেন। নিবিড় বনমধ্যে  
বালকের কণ্ঠস্বর শুনিতে পাইয়া, নবাব  
স্বয়ং উজীরের সহিত শকানুসরণ করিয়া  
তথায় উপস্থিত হইলেন। আসিয়া দেখি-  
লেন যে, একটি নয়নানন্দকর প্রফুল্লকমল  
বালক, বৃক্ষমূলে পড়িয়া ক্রন্দন করিতেছে।  
নবাব স্নেহপ্রণোদিত হইয়া, বালকটাকে  
কোড়ে লইয়া বলিলেন, “উজীর! তুমি  
এই বনে প্রায়ই যুগসার্থী আগমন করিয়া  
থাক, কিন্তু এ বালক কে? কি জন্মই বা  
এখানে এরূপভাবে পড়িয়া রহিয়াছে, বলিতে  
পাব কি?” উজীর এই পুত্রভ্যক্ত ব্রাহ্মণকে  
চিনিতেন, এবং ব্রাহ্মণের পত্নীবিয়োগ ও  
ইহার জন্মবিবরণ সকলই জানিতেন। উজীর  
নবাবকে সকল বৃত্তান্ত বাক্ত করিলেন;  
কিন্তু বালক কি কারণে এরূপভাবে পতিত,



তাহা বলিতে পারিলেন না। তবে অমু-  
মান করিয়া বলিলেন যে, “বোধ হয় ব্রাহ্মণ  
কোন কার্যবশতঃ পুত্রকে এইস্থানে রাখিয়া  
কোথাও গমন করিয়াছেন।” দয়্যাবান্  
নিজামউদ্দৌল। দয়্যাপরবশ হইয়া বলিলেন,  
“উজীর! তুমি সৈন্তগণের সহিত বনভূমি  
প্রদর্শন কর, ব্রাহ্মণকে অনুসন্ধান করিয়া  
কদি দেখিতে পাও, তাহা হইলে বালককে  
তাহাকে অর্পণ করিয়া মুরশিদাবাদে  
প্রত্যাবর্তন করিবে। যদি না দেখিতে  
পাও, দুই দিবস অন্তে বালককে মুরশিদা-  
বাদে লইয়া যাইবে।” এই বলিয়া নবাব  
উজীরকে বালকটী অর্পণ করিয়া, তথা  
হইতে প্রস্থান করিলেন।

উজীর, নবাবের আদেশমত বনের চারি-  
দিকে ব্রাহ্মণের অনুসন্ধান করিলেন, কিন্তু  
কোথাও ব্রাহ্মণের সাক্ষাৎ পাইলেন না।  
পরিশেষে ক্ষুব্ধহৃদয়ে প্রভুর আদেশমত

তথায় দুই দিবস অতিবাহিত করিয়া, বালকটাকে মুরশিদাবাদে নবাবের নিকট হইয়া গেলেন। বুদ্ধিমান, ধর্মভীরু নবাব, বালকের জাতিধর্ম বিবেচনা করিয়া, একটি সুরমা অট্টালিকায় ব্রাহ্মণ-দাসদাসী দ্বারা বালকটির প্রতিপালনের ব্যবস্থা করিয়া দিলেন। কালে সেই ব্রাহ্মণকুমার বয়ঃপ্রাপ্ত হইয়া, নবাবের অনুগ্রহে সুশিক্ষিত ও একটি সম্মানজনক রাজকার্যে নিযুক্ত হইয়া, মুরশিদাবাদমধ্যে একজন গণ্যমান্য সঙ্গতিশালী লোক হইয়া উঠিলেন। তাঁহার সংস্কার ও সদাচরণে মুরশিদাবাদবাসীগণ পরম পরিতুষ্ট হইয়া, শতশ্রেণী তাঁহার প্রশংসা করিতে লাগিলেন। এদিকে ঐ পুত্রত্যাক্ত ব্রাহ্মণ, বহুকাল পরে জাহ্নবীর পরম পবিত্র কূলে সিদ্ধিলাভ করিয়া, মনের আনন্দে যে স্থানে নিজের প্রিয়নিকেতন পর্ণকুটির ছিল,

তথায় আসিয়া উপস্থিত হইলেন। দেখিলেন, কুটারের চিহ্নমাত্র নাই, কেবল দুই একটি পরিচিত বৃক্ষ বিশাল দেহ সমুন্নত করিয়া, অনন্ত কালগর্ভে মাঙ্কীস্বরূপ দণ্ডায়মান হইয়া ব্রাহ্মণকে বলিয়া দিল, “এই আপনার জীবনের সুখ-শান্তির স্থান। এইখানেই আপনার পর্ণকুটার ছিল।” এমন সময় একজন বৃদ্ধ শিকারী সে স্থান দিয়া যাইতেছিল। ব্রাহ্মণ তাহাকে জিজ্ঞাসা করিলেন, “বাপু হে! এখানে একজন ব্রাহ্মণ বাস করিত জান কি?” শিকারী কহিল, “সে ত বহুকাল গত হইল, এক ব্রাহ্মণ থাকিত বটে; কিন্তু সে ব্রাহ্মণ ত মরিয়া গিয়াছে।” ব্রাহ্মণ আরও জিজ্ঞাসা করিলেন, “তাহার এক পুত্র ছিল, তাহা জান কি?” শিকারী কহিল, “মশায়! সে কথা আর জিজ্ঞাসা করিও না, সে অতি দুঃখের কথা। ব্রাহ্মণ নাবালক ছেলেটিকে

এইখানে রাখিয়া যায়, কিন্তু বনে ত আর মানুষ থাকে না, তাহাকে সিংহ ব্যাঘ্রে খাইয়া ফেলিত, কেবল ভগবান্ তাহাকে রক্ষা করিয়াছেন।”

ব্রাহ্মণ আবার কহিলেন, “সে বালকটি কোথায় কি অবস্থায় রহিয়াছে?”

শিকারী কহিল, “তাহাকে ভগবান্ রাখেন, তার আর অবস্থার কথা জিজ্ঞাসা করিতে হয়? সেই ছেলে এখন রাজা। মুর্শিদাবাদের নবাব তাহাকে ছেলের মত করিয়া রাখিয়াছেন।”

ব্রাহ্মণ একটু ক্ষুণ্ণ হইয়া কহিলেন, “তবে কি সেই ব্রাহ্মণপুত্র মুসলমান হইয়াছে?”

শিকারী কহিল, “তুমি কি নবাব নিজামউদ্দৌলাকে চেন না? তিনি কি পরের ধর্ম নষ্ট করেন? বালকটিকে তিনি এই বনে মৃগয়া করিতে আসিয়া পান।

তারপর বালকটিকে তিনি মুর্শিদাবাদে লইয়া গিয়া, ব্রাহ্মণদাসদাসী দ্বারা লালন-পালন করেন। এখন সেই ছেলে রাজা হ'য়েচে ! তাই বল্চি, ভগবান্ যাকে রাখে, তার আবার কথা কি ?” শিকারী এই বলিতে বলিতে প্রশ্নান করিল। ব্রাহ্মণের আনন্দাশ্রু প্রবাহিত হইতে লাগিল। ব্রাহ্মণ, পুত্রের মুখচন্দ্র দেখিবেন বলিয়া, মুর্শিদাবাদে উপস্থিত হইয়া, পুত্রের গৃহে অতিথি হইলেন। পুত্রের সহিত নানা-বিধ কথাবার্তা হইল। ব্রাহ্মণ আত্মপরিচয় গোপন রাখিলেন। সেদিন সে রাত্রি পুত্রের গৃহে অতিথি হইয়া, পরদিন প্রাতে ব্রাহ্মণ সেখান হইতে প্রশ্নান করিলেন। আসিবার কালীন ব্রাহ্মণ উচ্চকণ্ঠে কহিয়া-ছিলেন, “তোমার কৰ্ম্ম তুই করিস্ মা, লোকে বলে করি আমি।”

## রাজা ও কুমক ।

কোন প্রবলপ্রতাপ নরপতি সৈন্যে  
 যুগয়ায় বাহির হইয়া, বনবনাতে যুগের  
 অনুসন্ধান করিতে লাগিলেন । কিন্তু  
 বহু অনুসন্धानেও কোন ফল ফলিল না ।  
 রাজা ক্ষণকালের জন্ত হতাশ হইলেও  
 ঘোর অন্ধকারে আলোকবর্তিকার ত্রায়  
 ধীরে ধীরে তাহার হৃদয়ে কুহকিনী আশা  
 আবার উদিত হইল । তখন নবোৎ-  
 সাহে আবার যুগের অনুসন্ধান করিতে  
 লাগিলেন । গলদ্বন্দ্বশরীর বিবশপ্রায়,  
 কণ্ঠ শুষ্ক, হস্তে ধনুর্বাণ ধারণের শক্তি  
 নাই, তথাপি বিরাম নাই । সৈন্যসামন্ত  
 সকল কে কোথায় পৃথক্ হইয়া পড়ি-  
 য়াছে, তাহার স্থিরতা নাই । এরূপ  
 সময়ে একটা নমনমনোরঞ্জন হরিণ, রাজার  
 দৃষ্টিগোচর হইল । তিনি তখন অস্তিম-  
 উৎসাহে সৈন্যগণের সাহায্যের মুখাপেক্ষী

না হইয়া, একেবারে অশ্বে কষাঘাত ও ধনুতে  
 শরসংযোজনপূর্বক হরিণের অনুসরণ  
 করিতে লাগিলেন। দ্রুতগামী হরিণ পল-  
 কের মধ্যে বহুদূরে পলায়ন করিল। পরি-  
 শ্রান্ত রাজাও বহুদূরে নীত হইলেন।  
 সৈন্তসামন্তগণের মধ্যে কাহাকেও নিকটে  
 দেখিতে পাইলেন না। মহাবিপদ উপ-  
 স্থিত। নিবিড় অরণ্য, চতুর্দিকে হিংস্র-  
 জন্তু পরিপূর্ণ, বনপথঃ দুর্গম কণ্টকাকীর্ণ,  
 নিকটে এমন কেহই নাই যে, পথ দেখা-  
 ইয়া দেয়। রাজা কোথায় বাইবেন,  
 কাহার আশ্রয় লইবেন, তুষার কণ্ঠাগত-  
 প্রাণ, ছাতি ফাটিয়া বাইতেছে, চীৎকার  
 করিবার শক্তি নাই, জিহ্বা শুষ্ক নীরস,  
 সেই বিজন বনপ্রদেশে সরোবর কোথায়,  
 কে বলিয়া দিবে? নরপতি চিন্তিত  
 ও বিহ্বল হইলেন। ক্লিষ্ট অশ্বের বরা  
 উন্মোচনপূর্বক তাহাকে বনমধ্যে ছাড়িয়া

দিলেন এবং স্বয়ং জল অন্বেষণে  
 চতুর্দিক পরিভ্রমণ করিতে লাগিলেন।  
 আর পদবিক্ষেপ করিতে পারেন না ;  
 কণ্টকে পদ ক্ষতবিক্ষত হইতেছে,, তাহার  
 উপর নিদারুণ প্রাণঘাতিনী পিপাসা।  
 রাজভোগপালিত, শতভৃত্যসেবিত সুকুমার  
 দেহে আর কত যন্ত্রণা সহ হইবে !  
 নরপতি ক্রমে অবসন্ন হইয়া পড়িলেন।  
 মধ্যে মধ্যে কুতাঞ্জলিপুটে ভগবানের  
 উদ্দেশে প্রাণের বেদনা জানাইতে লাগি-  
 লেন, আর প্রাণপণে জল অন্বেষণ করিতে  
 লাগিলেন। কণ্টকে পদ ক্ষতবিক্ষত  
 হইতেছে, শোণিতধারার বনভূমি রঞ্জিত  
 হইতেছে, তথাপি তিনি উদাসভাবে অব-  
 সন্নপ্রাণে চলিতেছেন। জ্ঞান নাই,  
 যাইবার নির্দিষ্ট স্থান নাই, আর প্রাণের  
 আশা নাই ; তথাপি তিনি যন্ত্রমুগ্ধের স্থায়  
 চলিতেছেন। এইরূপে কিয়ৎক্ষণ যাইতে



যাইতে নরপতি অদূরে এক পর্ণকুটির দেখিতে পাইলেন। এইবার তাঁহার নিরাশাময় আধারহৃদয়ে আশার আলোক জলিয়া উঠিল; একটু জল পাইবেন, এই আশা তাঁহার হৃদয়ে এক অপূর্ব বলের সঞ্চার করিল। রাজা উর্দ্ধশ্বাসে ছুটিলেন। কুটিরের দ্বারে উপস্থিত হইয়া কাতরে যথাসাধ্য উচ্চকণ্ঠে কহিলেন, “জল দাও! কুটিরে কে আছে, একটু জল দাও! প্রাণ যায়! কে কোথায় আছে, জল দাও! জল দিয়া প্রাণরক্ষা কর!” রাজা আর কথা কহিতে পারিলেন না, ভূমিতলে পতিত হইলেন। কুটিরবাসী গৃহস্বামী, বিপন্ন মানবের কাতরকণ্ঠ শ্রবণ করিয়া, অতি সত্বর গৃহ হইতে বহির্গত হইয়াই জলপিপাসুব্যক্তিকে সাদরসম্ভাষণপূর্বক সুমিষ্টবাক্যে কহিলেন, “মহাশয়! একটু অপেক্ষা করুন, কুটিরে বিন্দুমাত্র জল

নাই, সরোবর হইতে শীঘ্র জল আনা হয়।  
 দিতেছি।” রাজা আর অধিক কিছু বলিতে  
 পারিলেন না ; কেবল ক্ষীণকণ্ঠে বলিলেন,  
 — একটু জল ।”

কুটিরবাসী ব্যক্তি কৃষক । সে তাহার  
 পত্নীকে কলসী করিয়া জল আনিতে সঙ্কত  
 করিল । কৃষকপত্নী শশব্যস্তে কলসী লইয়া  
 সেখান হইতে চলিয়া গেল । অতি  
 অল্পসময়ের মধ্যেই কৃষকপত্নী সুশীতল  
 বারিপূর্ণ একটি মৃগায়পাত্র লইয়া স্বামীর  
 হাতে দিল । কৃষক উহা জলপিপাসু ব্যক্তির  
 হাতে দিলেন । রাজা সাদরে কৃষকের হস্ত  
 হইতে মৃগায়পাত্র লইয়া, পরম আগ্রহে জল-  
 পান করিলেন, এবং মনে মনে ঈশ্বরকে শত  
 সহস্র ধন্যবাদ দিলেন । কিন্তু কৃষকের  
 প্রতি ক্রোধভরে কহিলেন, “দেখ কুটির-  
 বাসি ! তোমায় দেখিয়া কৃষক বলিয়া অনু-  
 ভূত হইতেছে ; সে যাহাই হউক, তুমি

অতি অন্তায় কার্য করিয়াছ। সুতরাং তোমাকে তাহার উপযুক্ত শাস্তি গ্রহণ করিতে হইবে।” কৃষক অবাক হইয়া রহিল; আগন্তুকের বিরক্তির কারণ কিছুই বুঝিতে পারিল না। : বুঝিতে অনেক চেষ্টা করিল, তথাপি কারণ নির্ধারণ করিতে অক্ষম হইল। কৃষক তখন বিনীতস্বরে জিজ্ঞাসা করিল, “মহাশয় ! আপনি কে ?” রাজা বলিলেন, “আমি এই রাজ্যের অধীশ্বর।” কৃষক ভয়ে শুকাইয়া গেল। তাহার মুখে : আর : কথা নাই, কি বলিবে : কিছুই স্থির করিতে পারিল না। কেবলমাত্র রাজার দুটা পা জড়াইয়া ধরিল। অনেক কষ্টে ভয়ে কহিল, “মহারাজ, বলুন। আমার : কি : অপরাধ হইয়াছে ?

রাজা কহিলেন, তুমি আমার কণ্ঠাগত প্রাণ, তোমার : নিকট জল প্রার্থনা করি-

লাম, তোমার গৃহে জল ছিল, তুমি কহিলে  
 “আমার গৃহে বিন্দুমাত্র জল নাই, সরোবর  
 হইতে জল আনিতে হইবে।” এই  
 বলিয়া তোমার পত্নীকে জল আনিতে  
 কহিলে, তোমার পত্নী ক্ষণকাল পরে শুশী-  
 তল জল আনিয়া দিল। তোমার গৃহে  
 জল না থাকিলে, সরোবরের জল এত  
 শীতল হইবে কেন? আমার তখন জলা-  
 ভাবে প্রাণ যায় যায় হইয়াছিল। এখন  
 ভাব দেখি, তুমি কতদূর অগ্রায় কার্য  
 করিয়াছ? আমি তাহার জন্ত তোমার  
 যথোচিত শাস্তি প্রদান করিব।”

তখন কৃষক কহিল, “মহারাজ ! যদি  
 তাহার কারণ বলিবার অনুমতি করেন,  
 তাহা হইলে বলি।”

রাজা বলিতে অনুমতি দিলেন। কৃষক  
 কহিল, “মহারাজ ! আপনি যখন জল  
 প্রার্থনা করিয়াছিলেন, তখন আমার

গৃহে জল ছিল সত্য ; কিন্তু আপনি যে রূপ  
 গলাদর্শনকলেবরে আমার কুটিরসম্মুখে  
 উপস্থিত হইয়াছিলেন, সেই অবস্থায়  
 শীতলজল পান করিলে, সর্দিগর্শ্বি হইয়া  
 প্রাণবিয়োগের সম্ভাবনা ছিল। তজ্জন  
 একটু কালবিলম্ব করিবার অভিপ্রায়ে আমি  
 এইরূপ প্রতারণাবাক্য কহিয়াছিলাম।”  
 রাজা, কৃষকের মুখে এই সকল কথা  
 শুনিয়া চমৎকৃত হইলেন। সামান্ত  
 কৃষকের এতদূর জ্ঞান, এতদূর ধীরতা ও  
 এতদূর উপস্থিতবুদ্ধি, তিনি ইতিপূর্বে  
 কখন দেখেন নাই। রাজা মনে মনে  
 স্থির করিলেন, এই ব্যক্তিকেই আমার মন্ত্রী  
 হইবার যোগ্যপাত্র, ইহাকেই আমি  
 মন্ত্রী করিব। এমন সময়ে রাজার  
 সৈন্যসামন্তগণ ভাঙ্কাকে অহুসন্ধান করিতে  
 করিতে, সেইখানে আসিয়া উপস্থিত  
 হইল। রাজা গাত্ৰোত্থান করিলেন এবং

বাইবার সময় কৃষকে বলিলেন, “তুমি আগামী কল্যা আমার সহিত রাজধানীতে সাক্ষাৎ করিও।” রাজা চলিয়া গেলেন।

ক্রমে দিনের পর রাত্রি আসিল, প্রভাত হইল ; কৃষক রাজধানীতে উপস্থিত হইয়া রাজার সহিত সাক্ষাৎ করিল। রাজা তাহাকে মন্ত্রী করিলেন। কৃষক আজ মন্ত্রী হইল, এই সংবাদে রাজ্যবাসী সকলেই মহা তর্কবিতর্ক করিতে লাগিল। কন্য-চারিগণ সকলেই তাহার বিদেষী হইয়া উঠিলেন। বিশেষতঃ ভূতপূর্ব মন্ত্রী তাহার প্রধান শত্রু হইলেন। তিনি সর্বদাই কৃষক-মন্ত্রীর ছিদ্রানুসন্ধানে ব্যস্ত থাকিলেন। কিন্তু কিছুতেই রাজার নিকট তাহার কোন দোষ দেখাইতে পারিলেন না। কিছুদিন এইরূপে গত হইলে, পূর্ব-মন্ত্রী দেখিলেন, কৃষকমন্ত্রী রাজসভা হইতে যাইয়া, প্রতিদিন স্বীয় গৃহের একটা

প্রকোষ্ঠে তিন চারি ঘণ্টা অবস্থান করেন। সেই ব্যাপার উপলক্ষে পূর্ব-মন্ত্রী, রাজার নিকট প্রকাশ করিলেন যে, কৃষকমন্ত্রী রাজকার্যে অবসর পাইয়া প্রতি-দিনই আপন বাহির প্রকোষ্ঠে গমনপূর্বক মহারাজের রাজ্যাপহরণের মন্ত্রণা করে। রাজা শুনিলেন বটে, কিন্তু বিশ্বাস করিলেন না। কিন্তু বিশেষ অনুসন্ধানের ইচ্ছা হইল। রাজা একদিন কৃষক-মন্ত্রীর বাটীগমনকালে তাহার অনুসরণ করিলেন। দেখিলেন, কৃষকমন্ত্রী আপন বাহির প্রকোষ্ঠে প্রবেশ করিয়া, আপনার মস্ত্রিপরিচ্ছদ উন্মোচনপূর্বক কৃষকপরিচ্ছদ পরিধানকরতঃ হস্তে কাশ্বে লইয়া একখানি দর্পণের সম্মুখে দণ্ডায়মান হইল এবং বহুক্ষণ সেইভাবে রহিল। তৎপরে পুনর্বার মস্ত্রিপরিচ্ছদ পরিধান করিয়া বাহিরে আসিল।

সম্মুখে মহারাজ দণ্ডায়মান । কৃষকমন্ত্রী  
একটু সমকোচে জিজ্ঞাসা করিল,  
“মহারাজ আপনি ?”

রাজা কহিলেন, “হাঁ মন্ত্রী ! তুমি দর্প-  
ণের সম্মুখে দাঁড়াইয়া কি করিতেছিলে ?”

কৃষকমন্ত্রী সরলভাবে কহিল, “মহারাজ !  
পূর্বে আমি কৃষক ছিলাম, ক্ষেত্রের কার্য  
সম্পন্ন করিতাম ; এক্ষণে মহারাজের  
অনুগ্রহে ও অপার দয়ায় স্বপ্নেও যাহা  
আশা করি নাই, সেই অত্যাচ অভাবনীয়  
মন্ত্রিপদে অধিরোহণ করিয়াছি । সেই  
জন্য পূর্ক্কাবস্থা স্মরণ করিতেছিলাম ।  
মহারাজ ! আমি এই জানি, যে সংসারে  
পূর্ক্কাবস্থা স্মৃতিমধ্যে জাগরুক রাখিতে  
পারে না, সেই সংসারে অকৃতজ্ঞ, কৃতঘ্ন  
ও মহাপাপী এবং সে সংসারে অপার দুঃখ-  
মাগরে মগ্ন হয় । আমি সেইজন্য প্রতিদিন  
রাজকার্যে অবসর পাইলে, এই দর্পণের



সম্মুখে আসিয়া, মন্ত্রিপরিচ্ছদ উন্মোচন-পূর্বক আমার পূর্ব কৃষকপরিচ্ছদ পরিধান করিয়া পূর্বস্থিতি স্বরূপ করি।”

রাজা, কৃষকমন্ত্রীর বাক্য একেবারে নির্বাক ও স্তম্ভিত হইয়া পড়িলেন। কিয়ৎক্ষণ পরে প্রীতিবিশ্বরের প্রথম আবেগ অবসানে উচ্চকণ্ঠে সগর্বে কহিলেন,—“রে জালামর সংসারের কুটচক্রী মানব ! তোর! আত্মবিস্মৃত হইয়া কি করিতেছ ? একবার কি আমার এই কৃষক-মন্ত্রীর অপূর্বশিক্ষা শ্রবণ করিবে না ?”

### মন্ত্রিনিয়োগ।

কোন রাজার মন্ত্রীর আবশ্যক হইলে রাজ্যে ঘোষণা দিলেন যে, এই রাজ্যের একজন মন্ত্রীর প্রয়োজন। প্রার্থীগণ আগামী কলা প্রাতে মহারাজের সহিত সাক্ষাৎ

করবেন। এই সংবাদ রাষ্ট্র হইলে, শিক্ত সম্প্রদায়ের মধ্যে একটা ছলছল পড়িয়া গেল। প্রাতে সকলেই রাজদ্বারে আপনাপন প্রশংসাপত্রসহ উপস্থিত হইলেন। কন্যাখিগণের আগমনসংবাদে রাজাও সেই স্থানে উপস্থিত হইলেন। অমনি পর্যায়ক্রমে প্রায় অনেকেই আপনাপন প্রশংসাপত্র বাহির করিয়া, রাজসম্মুখে দণ্ডায়মান হইলেন। কিন্তু রাজা সে সকল কিছুই গ্রহণ বা দর্শন করিলেন না। “যন্ত্রণাই নদীর প্রধান গুণ”, তাহারই পরীক্ষা মইব;” রাজা এই স্থির করিয়া, সমুপস্থিত কন্যাখিগণের হস্তে এক একটা পারাবত দিয়া কহিলেন, “আপনারা প্রত্যেকে অতি নির্জন স্থানে এই পারাবতটি দ্বিখণ্ড করিয়া আনিবেন। যে ব্যক্তি সর্বাপেক্ষা অতি নির্জনে ইহাকে দ্বিখণ্ড করিয়াছেন

বুঝিতে পারিব, তাঁহাকেই আমি আমার রাজ্যের উপযুক্ত মন্ত্রী বলিয়া গ্রহণ করিব।” রাজা এই কার্য্য নির্বাহের জন্য দুইমাস সময় দিলেন এবং একনির্দিষ্ট দিনে সকলের উপস্থিত হইবার কথাও বলিয়া দিলেন। কন্সার্টিগণ আনন্দিতমনে এক একটি পারাবত লইয়া, “অতি নির্জন স্থান কোথায়” চিন্তা করিতে করিতে, তথা হইতে প্রস্থান করিলেন।

নির্দিষ্ট দিনে কন্সার্টিগণ রাজাদেশ পালন-পূর্বক ছিন্নপারাবত হস্তে করিয়া যথাসময়ে রাজসভায় উপস্থিত হইলেন। রাজাও আগমন করিলেন এবং এক ব্যক্তিকে জিজ্ঞাসা করিলেন, “আপনি কোন্ নির্জন স্থানে ইহার হত্যা কার্য্য সম্পন্ন করিলেন, ব্যক্ত করুন।” আদিষ্ট ব্যক্তি বলিতে লাগিলেন, “মহরাজ ! একদা অমাবস্যা তিথিতে যখন রাত্রি দ্বিপ্রহর, যখন সমস্ত জীবগণ নিদ্রার

কোমল কোলে নিদ্রিত ছিলেন”—রাজা আর বলিতে দিলেন না, আর একজনকে জিজ্ঞাসা করিলেন; তিনি বলিলেন, “অতি নিভূতে একদা অমাবশ্যা তিথিতে নদীবক্ষে”—তাঁহারও কথা রাজা শুনিলেন না; আবার একজনকে জিজ্ঞাসা করিলেন,—তিনি বলিলেন, “নির্দিষ্ট সময়ের মধ্যে বেদিন রাত্রিযোগে ভয়ঙ্কর শিলাবৃষ্টি হইয়াছিল, তৎকালে আমি জীবনের আশা ত্যাগ করিয়া, এক পর্বত-গহ্বরে উপস্থিত হইয়াছিলাম।” রাজা তাহারও কথা শুনিলেন না। এইরূপে সমাগত ব্যক্তির নির্জন স্থানের বিবরণের কতক অংশ শুনিয়া রাজা কিয়ৎক্ষণ নিস্তব্ধভাবে অবলম্বন করিয়া রহিলেন। তন্মধ্যে অনতিবিলম্বে একটি ব্যক্তি পারাবতটিকে হত্যা না করিয়া, রাজাকে প্রত্যর্পণপূর্বক কহিলেন, “মহারাজ! আমার

দ্বারা এ কার্য শেষ হইল না। আমি আপনার সমুদয় রাজ্য অন্বেষণ করিয়া দেখিলাম, কোথাও নির্জন স্থান খুঁজিয়া পাইলাম না।” রাজা উৎক্লম্ব হইলেন; তবে প্রথমতঃ একটুকু ব্যঙ্গস্বরে কহিলেন, “কি আশ্চর্য্য! সকলে এত নির্জন স্থান পাইলেন, আর আপনি দুই মাসের মধ্যে কোথাও নির্জন স্থান অনুসন্ধান করিয়া পাইলেন না?” তখন পূর্বোক্ত ব্যক্তি একটুকু কুণ্ঠিত হইয়া কহিলেন, “মহারাজ! আমি যথার্থই বলিতেছি, এ সংসারে কোথাও কোন স্থান নির্জনা পাইলাম না। যখনই আমি কোন স্থান নির্জন মনে ভাবিয়া এই পারাবতটি দ্বিখণ্ড করিতে উদ্যত হইয়াছি, তখনই যেন আমার আপাদমস্তক কম্পিত হইয়া উঠিয়াছে। চক্ষুহী যখন কোন স্থান নির্জন কি না জানিতে ইতস্ততঃ

দৃষ্টিনিষ্ক্রেপ করিয়াছে, তখনই যেন কে এক জ্যোতির্শ্রয়মূর্তি আসিয়া আমার গুরু-গম্ভীরস্বরে বলিয়াছে, “রে মূঢ়! এই কি তোমার নির্জন স্থান? এখানে কি আমি নাই? অন্ধ! এ বিশ্বে নির্জন স্থান নাই; যদি থাকিত, তাহা হইলে জীবগণ পাপ সংগোপন করিতে পারে নাই কেন? যে নির্জনে গুপ্তভাবে কার্য সম্পন্ন করে, কে তাহা প্রকাশ করিয়া দেয়?” মহারাজ! তখনই আমি পারাবতটি হস্তে লইয়া সে স্থান হইতে প্রত্যাবৃত্ত হইয়াছি। তাই বলিতেছি, নরনাথ! আমার দ্বারা এ কার্য কখন সম্পন্ন হইবে না।” তখন রাজা সমবেত কর্মার্থীগণের সম্মুখে সেই ব্যক্তিকে আনন্দভরে আলিঙ্গন করিলেন, এবং উচ্চকণ্ঠে বলিলেন, “ওহে, তুমিই আমার রাজ্যের প্রধান মন্ত্রী হইলে। মন্ত্রিন্! যথার্থই কহিয়াছ, এ

সংসারে এমন কোন নির্জন স্থান নাই যে,  
সেই স্থানে পাপকার্য্য সাধন করতঃ  
গোপন করিয়া রাখা যায়।” সত্য  
ভঙ্গ হইল। সকলে স্ব স্ব স্থানে গমন  
করিলেন।

### কৌপিন কো ওয়াস্তে ।

কোন বনে একটি সন্ন্যাসী বাস করিতেন ।  
সংসারে তাঁহার কেহই ছিল না, কেবল  
আপনি ও কৌপিন মাত্র সম্বল ছিল ।  
সন্ন্যাসী ভিক্ষাবৃত্তি দ্বারা জঠরজালা  
নিবৃত্তি করিতেন । সন্ন্যাসীর কেমন  
অভ্যাস বলিতে পারি না, তিনি রাত্রি-  
কালে আপনার পরিধেয় কৌপিনটি বৃক্ষ-  
শাখায় রাখিয়া উলঙ্গাবস্থায় নিদ্রা যাইতেন ।  
কিছুদিন এইরূপে গত হইলে, যেন ইন্দুরের  
তাহা আর সহ হইল না । প্রতিদিন সন্ন্যাসীর

অযথাব্যবহারে অসম্ভুট হইয়া, একদিন ক্ষুরধার দন্তে সন্ন্যাসীর কোপিনটি ছিন্ন-বিচ্ছিন্ন করিয়া দিল। সন্ন্যাসী আবার কোপিন সংগ্রহ করিলেন, আবার সেইরূপে রাত্রিতে কোপিন বৃক্ষশাখায় রক্ষা করিলেন, আবার ইন্দুর সেইরূপে সন্ন্যাসীর কোপিনটি ছিন্নবিচ্ছিন্ন করিয়া দিল। তখন সন্ন্যাসী বেশ বুঝিলেন যে, বনভূমিও শান্তিময় নহে, এখানেও মানবের শত্রু আছে। কি করিবেন, আবার কোপিন সংগ্রহ করিলেন। এইরূপে দিন দিন ইন্দুর সন্ন্যাসীকে কোপিনের জন্ত মহাব্যস্ত করিয়া তুলিতে লাগিল। প্রতিদিন সন্ন্যাসী কোপিনের বস্ত্রের জন্ত দ্বারে দ্বারে ভিক্ষা করে দেখিয়া, একদিন জনৈক ভদ্রলোক সন্ন্যাসীকে কহিলেন, “ঠাকুর ! প্রতিদিনই কি তোমার কোপিন ছিঁড়িয়া যায় ?” সন্ন্যাসী, ইন্দুরের অত্যাচা-



রের কথা বর্ণনা করিলেন। ভদ্রলোকটি বুদ্ধিমান, তিনি সন্ন্যাসীকে পরামর্শ দিলেন যে, তুমি ইন্দুরের অত্যাচার নিবারণের জন্য একটি বিড়াল পোষ। সন্ন্যাসী হাসিয়া বলিলেন, “মহাশয়! আমার নিজের অন্নের সংস্থান নাই, আর আমি বিড়ালকে কিরূপে আহার দিব?” ভদ্রলোকটি সন্ন্যাসীকে বুঝাইলেন যে, বিড়াল সামান্য আহার করে, তাহার জন্য তোমাকে কোন বিষয় ভাবিতে হইবে না। সন্ন্যাসী তাহাতে সম্মত হইলে, ভদ্রলোকটি সন্ন্যাসীকে একখানি বস্ত্র ও একটি বিড়ালশিশু সংগ্রহ করিয়া দিলেন। সন্ন্যাসী আছলাদে বিড়ালশিশুটিকে কুটিরে লইয়া গেলেন, বিড়ালটি থাকায় ইন্দুর আর সন্ন্যাসীর কোপিন ছিন্ন করিতে পারিল না। সন্ন্যাসীর কোপিন রক্ষা হইল বটে, কিন্তু সন্ন্যাসী মৎস্য মাংসভাগী, সুতরাং

তাহার আহারের তত সুবিধা হইল না, সে দিন দিন কুশ হইতে লাগিল। ক্রমে বিড়ালটি আর উঠিয়া দাঁড়াইতে পারিল না। সন্ন্যাসী মহাভাবিত হইয়া, তাহার শুভাকাঙ্ক্ষী পূর্বোক্ত ভদ্রলোকটির নিকট বিড়ালটির অবস্থার কথা জ্ঞাত করাইলেন। ভদ্রলোকটি বলিলেন যে, সন্ন্যাসী মৎস্যভ্যাগী, এবং দুগ্ধাদিও পান করিতে পার না, সুতরাং বিড়ালটি আহারাতাবে ঐরূপ হইয়াছে। তজ্জন্ম তিনি বিড়ালটিকে দুগ্ধ খাওয়াইবার পরামর্শ দিলেন। সন্ন্যাসী তাহাই করিতে লাগিল; বিড়ালটি ক্রমে একটু স্বপুষ্ট হইল। কিন্তু প্রতিদিন ভিক্ষায় দুগ্ধ পাওয়া দুস্বর হইয়া পড়িল। সন্ন্যাসী অতিশয় চিন্তিত হইয়া, পুনরায় সেই ভদ্রলোকটিকে বলিলেন, “মহাশয়! প্রতিদিন ত ভিক্ষায় দুগ্ধ পাওয়া

কঠিন।” ভদ্রলোকটি পরামর্শ দিলেন,  
 “একটি গাভীর চেষ্টা কর, তাহাহইলে উভ-  
 য়েরই শরীর রক্ষা হইবে।” সন্ন্যাসী বহু  
 চেষ্টা ও কষ্টে একটি গাভী সংগ্রহ করি-  
 লেন। প্রথমতঃ বনজাত তুণে গাভীর  
 আহারের কোন কষ্টই ছিল না; তাহার  
 পর যখন সেই গাভী হইতে তাহার বৎ-  
 সাদি হইতে লাগিল, এবং সেই বৎসাদি  
 হইতে আবার বহুসংখ্যক বৎসাদি জন্মিল,  
 তখন সন্ন্যাসী তাহাদের আহাৰ্য্য সঞ্চয়  
 করিতে মহাবিপদে পড়িলেন। সন্ন্যাসী  
 আবার সেই ভদ্রলোকটির শরণাপন্ন হই-  
 লেন। ভদ্রলোকটি পরামর্শ দিলেন যে,  
 ঠাকুর! একটি লাঙ্গল সংগ্রহপূর্বক বনে  
 আবাদের উদ্যোগ কর। তাহাতে তোমার  
 সকল বিষয়েরই সুবিধা হইবে। জমির  
 কর দিতে হইবে না; বৃষ ক্রয় করিতে  
 হইবে না। প্রথমতঃ তাহা হইতে বিচালি

পাইবে, তাহাতে তোমার গাভী বৎসাদি অনায়াসে জীবনধারণ করিতে পারিবে। দ্বিতীয়তঃ ধাত্তে তোমার স্বয়ং ও বিড়ালটীর প্রাণরক্ষা হইবে। তোমাকেও ভিক্ষা করিয়া উদরানের সঙ্কল্প করিতে হইবে না। কোপিনরক্ষার ইহা অপেক্ষা আর উত্তম সুযোগ নাই।” সন্ন্যাসী তাহাই করিলেন। ক্রমে ২৪ বৎসরের মধ্যে সন্ন্যাসী কৃষিকাৰ্য্যে বিপুল ধান্যরাশি লাভ করিলেন। ক্রমে সন্ন্যাসী সেই বনপ্রদেশে রাজ্যের অন্যতম রাজার ন্যায় বনরাজ্য শাসন করিতে লাগিলেন। এখন আর তাঁর কুটির নাই, অট্টালিকা হইয়াছে, দাসদাসী সকলই হইয়াছে। ক্রমে ক্রমে সন্ন্যাসী অন্যান্য জমিদারী ক্রম করিতে লাগিলেন। ফলতঃ পরপ্রত্যাশী সন্ন্যাসী এখন দ্বিতীয় রাজা বলিলেও অধিক বলা হইবে না।

একদিন সন্ন্যাসী কাছারি বাটিতে বসিয়া আপনার নায়েব গোমস্তাদির সহিত জমিদারিৰ হিসাবনিকাশ করিতেছেন, এমন সময় এক সৌম্যমূর্তি মহাপুরুষ, সন্ন্যাসীর কাছারিবাটীর দ্বারে আসিয়া উপস্থিত হইলেন। মহাপুরুষ সেই স্থানে উপস্থিত হইয়া, একজন দ্বারবানকে জিজ্ঞাসা করিলেন, “বাপু! এখানে একজন সন্ন্যাসী বাস করিত জান ?” দ্বারবান কহিল, “হাঁ ঠাকুর, সেই সন্ন্যাসী ঠাকুরেরই ত এই বাটী। ঠাকুরবাবু এখন উপর কাছারিতে জমিদারীর হিসাবনিকাশ করিতেছেন, আপনি উপরে যাইলেই তাঁহার সহিত সাক্ষাৎ করিতে পারিবেন।” তখন সেই সৌম্যমূর্তি পুরুষ বিশ্বম্ভোংফুল্লচিত্তে একেবারে সন্ন্যাসীর কাছারিবাটীতে আসিয়া উপস্থিত হইলেন। দেখিলেন, সন্ন্যাসীর সে বেশভূষা নাই! তিনি একজন ঘোর সংসারী

খিলাসী। তখন সেই সৌম্যমূর্তি মহাপুরুষ ক্রোধে দুই চক্ষু লোহিত করিয়া গুরুগম্ভীরস্বরে বলিলেন, “আরে অজ্ঞানাক ! কি করিয়াছিস্ ? বহু ক্রম করিতে আসিয়া কাচখণ্ড ক্রম করিয়া, তাহারই মোহে মুগ্ধ হইয়া বসিয়া আছিস্ ? সুধাপান করিতে বসিয়া গরল পান করিলি ? এই কি সংশিক্ষার পরিণাম !” সন্ন্যাসী পূর্বে উন্মনস্ক ছিলেন, সহসা সেই সিংহধ্বনি শুনিয়া চকিতে চাহিয়া দেখিলেন,— এ কে ? সহসা অঁধারহৃদয়ে বিদ্যৎঝলা আসিয়া চক্ষু ঝলসিয়া দিল। তিনি কাতরকণ্ঠে সেই সৌম্যমূর্তি মহাপুরুষের পদধারণ পূর্বক কহিলেন, “প্রভো ! ক্ষমা করুন !”

মহাপুরুষ কহিলেন, “ব্যাপার কি ?”

সন্ন্যাসী সেইরূপ ভীতকম্পিতকণ্ঠে কহিলেন, “প্রভো ! কোপিনকো ওয়াস্তে ।”

## যুৎ-কলসী ।

দামোদরনদের যে শাখা খানাকুল  
 কৃষ্ণনগর এবং গোপীনগর গ্রাম দুই-  
 খানিকে বিভক্ত করিয়া প্রবাহিত হই-  
 তেছে, তাহার নাম দারুকেশ্বর । বর্ত-  
 মান সময়ে গোপীনগর সাধারণের সুপরি-  
 চিত না হইলেও, পূর্বকালে কৃষ্ণনগরের  
 নাম সমৃদ্ধিশালী ছিল । এই নগরে  
 দেবদাসনামে এক দরিদ্র ব্রাহ্মণ বাস  
 করিতেন । দেবদাসের অর্থাগমের কোন  
 উপায় ছিল না । চারিটি পুত্র, দুইটি  
 কন্যা এবং স্ত্রীর সহিত অতি কষ্টে কোন  
 দিন অর্দ্ধাশনে, কোন দিন অনশনে  
 দিনযাপন করিতেন । এইরূপে অসহ-  
 নীয় দারিদ্র্যবরণায় অস্থির হইয়া, তিনি  
 একদিন চিন্তা করিলেন যে, “আমি  
 নিজের দুর্দৃষ্টবশতঃ স্ত্রীপুত্রকন্যাদিগকে  
 জড়াইয়া রাখিয়া সকলকে কষ্ট দিতেছি !

আমার অদৃষ্ট নিশ্চয়ই মন্দ, কিন্তু সাতটি প্রাণীর অদৃষ্ট কখনই আমার মত সমসূত্রে মন্দ নয়। আমার সঙ্গ ত্যক্ত হইলে, তাহারা স্ব স্ব অদৃষ্টগুণে ভগবানের যথাযোগ্য অনুগ্রহ প্রাপ্ত হইবে। অতএব তাহাদের সুখসচ্ছন্দতার জন্য আমার সংসার ত্যাগ করা কর্তব্য।” এই সংকল্প করিয়া একদিন সুযোগমত সকলের অজ্ঞাতসারে নিশীথ সময়ে সংসারাম্রম ত্যাগ করিলেন।

কিছুদিন সন্ন্যাসীবেশে নানাতীর্থ পর্যটন করিয়া, অবশেষে সাবিত্রীতীর্থে উপস্থিত হইলেন। পর্বতারোহণ করিয়া সাবিত্রীদেবীকে দর্শন করিতে ষাইবার সময় দেখিতে পাইলেন, পর্বতকন্দরে এক মহাযোগী ধ্যাননিমগ্ন আছেন। উন্নত-দেহশ্রী সূর্যালোকদীপ্ত যোগী সম্পূর্ণ বাহুজ্ঞানহীন ; স্তিমিতনেত্র, হাস্তপ্রফুল্ল বদনমণ্ডল ; রোগসমুত্তপ্তবিহীন, সম্পূর্ণ



স্বাস্থ্যব্যঞ্জক বলিষ্ঠ নধর দেহ। এই তপঃপ্রভাবপূর্ণ পুণ্যময় পবিত্র মূর্তি দর্শন করিয়া, দেবদাসের হৃদয়ে পরকালতত্ত্ব জ্ঞানাভাবের অন্ততাপ আরম্ভ হইল। “হার ! আমি দারিদ্র্যবন্ত্রণাময় সংসারাম্রম ত্যাগ করিয়াছি,—সোনার পুতুল, সোনার প্রেতিমার মত পুত্রকন্যাস্ত্রীকে বিসর্জন দিয়াছি,ভোগবিলাস ত্যাগ করিয়া সন্ন্যাসী-বেশে তীর্থে তীর্থে বৃথা ভ্রমণ করিতেছি,—কিন্তু পরকালের জন্ত ত কিছুই করিলাম না! আর সাবিত্রীদেবীদর্শনে আবশ্যক নাই; এই সবিত্ত্বেদেবসদৃশ মহাপুরুষের চরণপ্রান্তে আশ্রয় গ্রহণ করিয়া, জীবন চরিতার্থ করিব। পরলোকের সহজ সরল নিষ্কণ্টক পথের তত্ত্ব জানিয়া লইব।” দেবদাস এই চিন্তা করিয়া, একটি বৃক্ষমূলে উপবেশন করিলেন এবং যোগীর সমাধি সমাপ্তির অপেক্ষা করিতে লাগিলেন।

কিছুক্ষণ পরে যোগী নয়নোন্মীলন করিয়া অদূরে বৃক্ষমূলে উপবিষ্ট বিষন্ন-বদন দেবদাসকে দেখিতে পাইলেন। জিজ্ঞাসা করিলেন, “তুমি কে ? কি জন্ত এখানে আসিয়াছ ?”

দেবদাস কাতরবচনে বলিলেন, “প্রভো ! আমি একজন দরিদ্র ব্রাহ্মণ। শোকতাপদারিদ্র্য-যন্ত্রণায় জর্জরিত হইয়া, সংসারশ্রম ত্যাগ করিয়াছি। শান্তি পাইবার আশায় বহু তীর্থে ভ্রমণ করিয়াছি। কিন্তু ভাগ্যদোষে কোথাও শান্তি পাই নাই। সম্প্রতি মা বিক্রীদেবীর দর্শনাশায় এখানে আসিয়া, পথভ্রান্ত হইয়া আপনার পুণ্যময় আশ্রমে উপস্থিত হইয়াছি। আপনি মহাপুরুষ। আপনার সৌম্যমূর্তি দেখিয়া আমি আশ্বস্ত হইয়াছি। আপনার শ্রীচরণাশ্রয়ে আমি আমার অভিলষিত শান্তি পাইব বলিয়া, আশাবিত . হৃদয়ে

আপনার অনুকম্পার প্রতীক্য করিতেছি।”

তাপসবর প্রসন্নভাবে বলিলেন, “বৎস ! আমাদের এ ধর্ম অতি কঠিন। যোগপথে আত্মসংযম শিক্ষা না করিলে, এ ধর্ম অবলম্বন করা যায় না। তুমি আশৈশব সংসারী। দরিদ্র হইলেও তোমার চিত্ত ভোগবিলাসলালসায় উচ্ছৃঙ্খল। এরূপ চিত্তকে সম্পূর্ণ হৃৎখের বশীভূত করিয়া, ভগবানে সমর্পণ করা সহজসাধ্য নয়। অতএব এ সংকল্প ত্যাগ কর।”

দেবদাস নির্বন্ধাতিশয় প্রকাশ করিয়া বলিলেন, “প্রভো ! আপনি মহাত্মা, মহাপুরুষ ! আমার গায় পতিত জীবকে উদ্ধার করাতেই আপনাদের মহাত্ম্য। আমায় নিরাশ করিবেন না। কৃপাপ্রার্থী হইয়া আপনার শ্রীচরণে আত্মসমর্পণ করিয়াছি। আর আমার অন্য গতি—অন্য

উপায় নাই।” এই বলিয়া যোগীর চরণে পতিত হইলেন।

যোগী, “দেবদাসের অকৃত্রিম আগ্রহ বুঝিয়া সন্তুষ্টচিত্তে ববিলেন, “উঠ বৎস ! তোমার অভীষ্ট পূর্ণ করিব। তোমাকে আমার শিষ্যত্বে গ্রহণ করিলাম। কিন্তু আমার একটা আশ্রম পালন করিতে হইবে। অতঃ হইতে তুমি বিকারহীন-চিত্তে আমার আশ্রমপরিচর্যায় নিযুক্ত থাক। এইমাত্র তোমার বর্তমানকর্তব্য। এই কর্তব্যপালনে স্থিরচিত্তে দিনযাপন করিবে। কোন জ্ঞানশিক্ষা বা ধর্ম্যানুষ্ঠানের জগু বাস্তব হইও না। আমি উপযুক্ত সময়ে তোমাকে সকল বিষয় শিক্ষা দিব। চঞ্চল হইলে তোমার অভীষ্ট পূর্ণ হইবে না। তুমি সন্ত্রাস্কনকুলজাত। আশ্রমপরিচর্যার বিশেষ রীতি তোমায় কি শিক্ষা দিব। প্রতিদিন প্রাতে শুদ্ধ

হইয়া আমার পূজাহোমের জন্ত পুষ্প-  
চয়ন, সমিধ কাষ্ঠাদি আহরণ, মধাহ্নে  
পানাহারের জন্ত গঙ্গাজল ফলমূল আহ-  
রণ। ইহাই আপাততঃ কর্তব্য।”

দেবদাস “যে আজ্ঞা” বলিয়া প্রণাম  
করিলেন এবং যোগীর পদধূলি গ্রহণ  
করিয়া, আশ্রমপরিচর্যায় নিযুক্ত হইলেন।

দেবদাস সেইদিন হইতেই দৃঢ় অধ্যব-  
সারের সহিত কিছুমাত্র ক্রটি না করিয়া,  
শুরুর আদিষ্ট কর্তব্য পালন করিতে  
লাগিলেন। এইভাবে তিনবৎসর অতি-  
বাহিত হইল।

ক্রমে চতুর্থ বৎসর সমাগত হইল।  
যোগী যোগপ্রভাবে দেবদাসের অক্ষুণ্ণ  
অধ্যবসায় বুঝিতে পারিয়া, মায়াপ্রভাবে  
দিন দিন আহার্য বস্তু সকল ছুপ্রাপ্য  
এবং তৎসংগ্রহ কর্তৃসাধ্য করিয়া তুলিতে  
লাগিলেন। দেবদাস দারিদ্র্যযন্ত্রণায়

সংসারবিরাগী হইয়াছিলেন। পুণ্যের উজ্জল জ্যোতিঃদশনে মোহিত হইয়া, সংসারবিরাগী হইলেন নাই। সূতরাং সে বৈরাগ্য তাঁহার দীর্ঘস্থায়ী নয়। দিনে দিনে গুরুত্তর পরিণামের আধিক্যবশতঃ সে সংসারবৈরাগ্য ক্ষীণ হইতে লাগিল। শয়নে অর্ধরাত্রি পর্যান্ত ক্রীপুলের মুখ মনে পড়ে। স্বপ্নে সেই মেহের সংসারে উপস্থিত হইয়া সকলকে দেখিয়া, রোদন করেন। ক্রমশঃ বৈরাগ্যের শেষসীমায় উপস্থিত হইলেন। পুনরায় সংসারে প্রবেশের জন্ত বাসনার উদ্রেক হইল।

একদিন দেবদাস সত্যসত্যই যোগীর আশ্রমত্যাগসংকল্প স্থির করিলেন। ভাবিলেন, “গুরুদেব আমাকে প্রথমে দেখিয়া বলিয়াছিলেন, “তোমার সন্ন্যাসাশ্রম উপযুক্ত নয়। তুমি সংসারী। বোধহয়, সেই জন্তই আমাকে কোন শিক্ষা-

দীক্ষা দান করিলেন না। তবে বৃথা কেন  
স্ত্রীপুত্র ত্যাগ করিয়া যন্ত্রণাভোগ করি।  
আমার ভাগো,—আমার কর্মফলে পর-  
কালের ইষ্টলাভ হইবে না। সেইজন্য অগ্নি  
চারি বৎসর সন্ন্যাসীর স্বভাবে থাকিয়াও  
সন্ন্যাসধর্মলাভ ঘটিল না। আগামী  
কলির্ষী গুরুদেবের প্রাতঃস্নান যাত্রার পরে  
আমি আশ্রম ত্যাগ করিব।” এই সংকল্প  
স্থির করিয়া, সমস্ত দিন উৎকণ্ঠিতচিত্তে  
এবং সমস্ত রাত্রি অনিদ্রায় যাপন করিলেন।

পরদিন প্রত্যুষে যোগী প্রাতঃস্নান ও  
পূজাতর্পণাদির জন্তু প্রস্থান করিলেন।  
দেবদাস ভাবিলেন, “এই আমার উপযুক্ত  
সুযোগ।” যোগী আশ্রমে আসিয়াই  
দেবদাসের প্রস্থানের চিহ্ন না দেখিতে  
পান এবং শান্ত ক্লান্ত পিপাসার্ত্ত কুধার্ত্ত  
হইয়া যদি পানীয়আহার্য্য না পান, তবে  
তাঁহার কষ্ট হইবে, তিনি কষ্ট হইয়া অভি-

সম্পাত না করেন, এইজন্য দেবদাস প্রাতাহিক নিয়মানুসারে কুটিরপ্রাঙ্গণাদি মার্জনা করিয়া, ফলমূলপুষ্পাদি আহরণ করিলেন। স্নানান্তে মৃৎকলসী পূর্ণ করিয়া, গঙ্গাজল আনয়ন করিয়া যথাস্থানে রক্ষা করিলেন। অবশেষে কুটিরভূমিতলে গুরুদেবের উদ্দেশে সাষ্টাঙ্গে প্রণাম করিয়া বহির্গত হইলেন। কুটিরের দ্বার রুদ্ধ করিতেছেন, এমন সময় কুটিরের ভিতর হইতে গুরুগম্ভীরস্বরে প্রশ্ন হইল,—

“দেবদাস ! কোথায় যাও ?”

দেবদাস চমকিত হইয়া কুটিরমধ্যে চাহিয়া দেখেন, কেহ কোথাও নাই ! কোন সজীব পদার্থের চিহ্নও নাই। ভাবিলেন, ইহা তাঁহার বিভ্রম। পুনরায় গমনোত্তম করিতেছেন, পুনরায় পূর্ববৎ প্রশ্ন হইল,—

“দেবদাস ! কোথায় যাও ?”



এবার দেবদাস নিশ্চিত বুঝিলেন, ইহা কোন স্মৃদ্ধদেহ দৈবীমায়া। কুটিরভূমিতলে নতজানু হইয়া করঘোড়ে বলিলেন, “প্রণকর্তা যিনিই হউন, তিনি আমার প্রণম্য। তাঁহার অবগতির জ্ঞান বলিতেছি, আমি আমার উদ্দেশ্যসিদ্ধির অভাবে চারি বৎসর অপেক্ষা করিয়া, অথ এ আশ্রম ত্যাগ করিতেছি। আমি বুঝিতে পারিতেছি, গত কর্মফলের প্রতিকূলতার আমার অদৃষ্টে আশানুযায়ী ফল ফলিবে না। আমি পরকালের শাস্তি পাইব না। তবে বৃথা কেন বিড়ম্বনা ভোগ করি? তাই অথ এ আশ্রম ত্যাগ করিয়া যাইতেছি। মহাত্মন! আপনি যিনিই হউন, আমার গমনে বাধা দিবেন না।”

পুনরায় পূর্ববৎ স্বরে উত্তর হইল,—  
“দেবদাস! যাত্রাকালে আমার পরিচয় গ্রহণ করিয়া এবং আমার একটা বক্তব্য

শ্রবণ করিয়া যাও।” দেবদাস স্থিরভাবে উপবেশন করিলেন। অদৃশ্যস্বর বলিতে লাগিল ;—

“দেবদাস ! আমি মৃতকলসী। এই তোমার সম্মুখে গঙ্গাজলে উদরপূর্ণ করিয়া উটজে বসিয়া আছি। আমার পূর্নবৃত্তান্ত শ্রবণ কর। এই আশ্রমের প্রহরেক পথ দূরে এক বিস্তীর্ণ মাঠের মধ্যস্থলে বাওরভিটানামক উচ্চ স্থানে আমার বাস ছিল। একবার জলপ্লাবনে নিম্নভূমি সকল প্লাবিত হইয়া, আমার বাসস্থানের শিরোভাগমাত্র অপ্লাবিত রহিল। শৃগাল, কুকুর, মানুষ সকলে আসিয়া আমার বাসস্থানে বিষ্ঠাত্যাগ করিতে লাগিল। সেই বিষ্ঠার ছুর্গন্ধের কিছুকাল পরে, প্লাবনের অবসানে আমার বিষ্ঠানরকভোগ শেষ হইল। গৈরিকজল প্রবাহের রক্তবর্ণ মৃত্তিকাস্তরে আমার

সর্বশরীর সুরঞ্জিত হইয়া, প্রান্তরমধ্যে  
 শোভা পাইতে লাগিল। সহসা একদিন  
 এক কৃষ্ণবর্ণ দীর্ঘকায় ভীমদর্শন পুরুষ  
 বুড়ি কোদালীহস্তে করিয়া, আমার সদনে  
 উপস্থিত হইল এবং কোদালীদ্বারা  
 আমার সর্বশরীর সজোরে ক্ষতবিক্ষত  
 করিয়া তাহার বুড়িতে উঠাইল। অনন্তর  
 আমার মস্তকে করিয়া একটা পল্লীর  
 মধ্যে প্রবেশ করিল, এবং সজোরে  
 একটি গর্তের মধ্যে নিক্ষেপ করিল। পরে  
 পদদ্বারা আমায় পেষণ করিতে লাগিল।  
 আমি অস্থিহীন পিণ্ডবৎ হইলাম। তাহা-  
 তেও নিস্তার নাই। দুর্ভাগ্য আমার  
 সংজ্ঞাহীন ব্যথিত দেহকে একটা চক্রা-  
 কৃতি যন্ত্রে ফেলিয়া, নির্দয়ভাবে ঘুরাইতে  
 লাগিল। আমি মৃতবৎ হইলাম। পরে  
 যখন নির্মল বায়ু ও সূর্য্যকিরণে আমাকে  
 বৃক্ষা করিল, তখন কথঞ্চিৎ সুস্থ হইলাম।

কিন্তু তখনও আমার হৃভাগোর শেষ হয়  
 নাই। সেই নির্দয় পুরুষ আমাকে  
 প্রজ্বলিত অগ্নিকুণ্ডমধ্যে স্থাপন করিল;  
 আমি দগ্ধ হইলাম। শরীরস্থ শোণিতরাশি  
 সর্বান্তে আসিয়া কঠিন হইল। আমি  
 রক্তবর্ণ হইলাম। দেখিলাম, অনেকগুলি  
 আত্মীয়স্বজন আমার আকৃতি ধারণ করি-  
 য়াছে। কেহ বা ভগ্নাবস্থা প্রাপ্ত হইয়াছে।  
 আমরা একটু শীতল হইলে, সেই পুরুষ,  
 সম্বন্ধে বস্ত্রদ্বারা আমার গাত্র মার্জনা  
 করিয়া, একটী প্রকাণ্ড বুড়ির মধ্যে স্থাপন  
 করিল। মৃতদেহ যেন একটু সজীব  
 হইল; আমরাগকে মস্তকে করিয়া এক  
 বাজারে আসিয়া উপস্থিত হইল; অযথা-  
 স্থানে অযথাভাবে রক্ষা করিতে আঘাত  
 পাইয়া আমাদের মধ্যে অনেকে প্রাণত্যাগ  
 করিল। যাহারা বাঁচিয়া রহিল, তাহা-  
 দিগকে একদল দর্শক আসিয়া ক্রমে

ক্রমে কঠিনহস্তে সজোরে চপেটাঘাত করিতে লাগিল। কেহবা অঙ্গহীন, কেহবা বিকলাঙ্গ অকস্মাৎ হইয়া পড়িল। আমি অতিকষ্টে পূর্ণাবয়বে জীবিত রহিলাম। অবশেষে এই মহাপুরুষ যোগীর একজন শিষ্য, দয়াপরবশতদ্বয়ে আমার চপেটাঘাতাদি পরীক্ষা শেষ করিয়া, এই আশ্রমে আনয়ন করিলেন। এত কষ্ট, এত যন্ত্রণার সাধনা করিয়াছিলাম বলিয়া, এখন আমার ভাগ্য সুপ্রসন্ন হইয়াছে।”

দেবদাস আশ্চর্যান্বিত হইয়া জিজ্ঞাসা করিলেন, “কিসে তোমার ভাগ্য সুপ্রসন্ন হইয়াছে?”

মৃৎকলসী উত্তর করিল ;—“আমার ভাগ্য সুপ্রসন্ন না হইলে, তোমার মত একজন সৎশক্তিত নিষ্ঠাচারী গুরুভক্ত ব্রাহ্মণের স্বক্কে আরোহণ করিয়া, প্রত্যহ

গঙ্গান্নান করিতে এবং গুরুদেবের আচমন-  
গণ্ডূষপানার্থে গঙ্গাজলে উদর পূর্ণ করিয়া,  
গঙ্গাতীরবর্তী যোগীর আশ্রমে বাস করিতে  
পাইব কেন ?”

দেবদাস জিজ্ঞাসা করিলেন—“তুমি কি  
উপায়ে বাক্শক্তি প্রাপ্ত হইয়াছ ?”

মৃৎকলসী কহিল—“সেও গুরুদেবের  
কুপায়। এই বাক্শক্তি আমার নয়,  
গুরুদেবের। গুরুদেবই ঈশ্বর। ঈশ্বরই  
গুরুদেব। ঈশ্বর সর্বময়। গুরুদেবও  
সর্বময়। এই আশ্রমের প্রত্যেক পদার্থ,  
প্রত্যেক মৃত্তিকাকণা আমাদের গুরুদেব-  
ময়। এই মৃৎকলসী আমি, আনিই তোমার  
গুরুদেব।”

দেবদাস ভক্তিগদগদভাবে সাষ্টাঙ্গে  
প্রণত হইয়া স্তব করিতে লাগিলেন ;—

“অখণ্ড মণ্ডলাকারং ব্যাপ্তং যেন চরাচরং,  
তৎপদং দর্শিতং যেন তন্মৈ শ্রীগুরবে নমঃ ।”

মৃৎকলসীর মধ্য হইতে তখন গুরু-  
দেবের সাকার পবিত্রমূর্তি অবিভূত হই-  
লেন, এবং দেবদাসের মস্তকে অভয়হস্ত  
দান করিয়া আশীর্বাদ করিলেন। অনন্তর  
স্নেহময়রসে বলিলেন “বৎস ! তোমার  
কালপূর্ণ হইয়াছে, পরীক্ষা শেষ হইয়াছে,  
সাধনায় সিদ্ধিলাভ করিয়াছ। অতঃ হইতে  
তত্ত্বজ্ঞানশিক্ষা গ্রহণ কর।”

দেবদাস করযোড়ে বলিলেন,—“গুরু-  
দেব ! তবে আজ আমাকে প্রথম তত্ত্ব-  
জ্ঞানের শিক্ষাদান করুন। কৃপা করিয়া  
বলুন, আপনার মৃৎকলসীদেহের পূর্ব  
বৃত্তান্তের মূলতত্ত্ব কি ?”

যোগী বলিতে লাগিলেন, দেবদাস  
অনন্তর শ্রবণ করিতে লাগিলেন।

যোগী বলিলেন—“বৎস ! সেই বাওর-  
ভিটা জীবের বীজকোষ। কৃষ্ণবর্ণ কুন্তকার  
কালপুরুষ। যে গর্তে নিক্ষেপ করিয়াছিল,

তাহার নাম জঠর । পদপেষণ জঠরযন্ত্রণা,  
 অস্থিহীনমৃৎপিণ্ড প্রথম জঠরস্থ জীবদেহ ।  
 চক্রাকৃতি যন্ত্র কালপুরুষের হস্তচালিত  
 সেই সংসারচক্র । জীব ভূমিষ্ঠ হইয়া, সেই  
 চক্রে প্রথম সান্টাজ জীবদেহ ধারণ করে ।  
 নিম্নল বায়ু ও সূর্য্যকিরণ রক্ষিত প্রথম  
 অবস্থা শৈশবকাল । অগ্নিকুণ্ড কৰ্মক্ষেত্র,  
 বাজার সাধনাক্ষেত্র । ক্রেতার চপেটা-  
 ষাত আত্মসংঘের পরীক্ষা । সৰ্ব্বপরী-  
 ক্ষায় পূর্ণাবয়বে উত্তীর্ণ হইলে গুরুদর্শন,  
 পরে সিদ্ধি । দেখ বৎস ! মানবপদ-  
 দলিত একটা মৃত্তিকাকণার যে সাধনাবল  
 আছে, সে সাধনাবল হয় ত একজন  
 শ্রেষ্ঠ মানবের নাই ।”

দেবদাসের সিদ্ধিলাভ হইল ।

সম্পূর্ণ ।











